



後村居士詩卷第九

詩

挽陳北山二首

雖拜龍圖號自稱柴澗翁
生難招此老死可見文公斷簡工夫
久深衣笑語終空餘歲稿在虹氣貫山中

搥筆臨時慣殘書映雪勤
今寧無古篆宋復有唐文
荒草周顛宅空山董相墳
作時携斗酒一酌墨溪雲

送五六弟赴四明倉官成

子去為倉氏人應重客
卿須憐春籛苦句愛釜鍾
羸羊貴脾神厄後佳肺氣
平親闈最閑念頻寄雁傳聲

挽龔汀州二首

早日曾廬墓中年懶建牙的無金遺子僅有笏傳家窮巷觀時
事叢祠閱歲華天乎清白吏名位止斯耶

所守老尤剛清風凜不亡洞房無粉黛聖室屏緇黃東閣遵遺
令南山獻吉歲百年耆舊盡里社轉淒涼

送戴復古謁陳延平

倉部當今第一流艱難有詔起分憂城危如卵支群盜胆大於
身蔽上游應是孔明親治事豈無子美可參謀君行必上轅門
謁為說披篋弄釣舟

挽外舅林明道二首

開處功名少閒中歲月長漢曾招綺季魯僅有靈光玉雪生難

浣淵冰死未忘西州殘父老懷惠各悲涼

少小親函丈而今白髮生居然明我穢久矣愧翁清川逝悲賢
淑山顏惜老成年來得瘖疾相挽不能鳴

東陳寺丞築城

事變相尋智亦新爛泥堆起石嶙峋斷無餘力謀蔗土頗有傍
觀哂冥薪自古虚心容議者即今朽腹從耕民姑尤聊攝皆齊
境莫遣郊封有詛人

答楊昇

一生忠孝發於詩不為挑根與柳枝棗本流傳容有偽箋家穿

鑿苦求奇偶全要領漸輕典虛嘔心肝悔少時澤畔累臣搔白
首孤吟不敢累親知

稅方岳倅

昨解巴陵綬將尋洛社盟壁埋真可惜玉立尚如生舊轍水天
遠新塋雪瀨清惟應帶來鶴解作斷腸聲

梅雨隰城自用前韻

疊石黏灰事尚新忽因霑漬滅嶙峋晉陽昔僅存三板瓠子今
誰助東薪恃陋竊憂難禦寇加工却恐倍勞民狂生亦豈前知
者曾是遶城荷杆人

跋其人詩卷

元祐賦律古熙寧經義新請君忙改藝詩好誤終身

城壞復修又賦

補罅扶傾手段新舉頭千丈又嶙峋主謀何止堪尸祝妄議真
當抵鬼薪見說傳更增羅卒已聞犯夜少奸民小偷不辦公偷
械遙望須驚彼有人

留山間種菀十絕

鄙事閑人智淺深漆堪成器楮堪衾自憐到死猶迂濶純種梅
花作墓林 右梅

羞與春華艷冶同殷勤培溉待秋風不須牽引淵明比隨分籬

間要几叢 右菊

一生着數落人先白髮栽松故可憐待得伏菟堪采掘此翁久
笑作飛仙 右松

蕭艾敷榮各有時深藏芳潔欲奚為世間鼻孔無憑據且伴幽
窓讀楚辭 右蘭

歲上春風花覆牆摘來紅實亦甘香當時若種瑤池本却恐河
清未得嘗 右桃

謔言自昔架空虛蕙苴非珠偶似珠半夜庭中金屑滿老夫明
日費分踈 右桂

滿樹亭上蘚砌傍未論包貢奉君王世無班馬堪薰炙且嗅幽
花亦自香 右柚

春風滿面喜津津縱有嗔攀不忍嗔尚恐傍觀安注脚笑他何
事與何人 右笑花

一卉能令一室香炎天尤覺玉肌涼野人不敢煩天女自折瓊
枝置枕傍 右茉莉

攪醉方眠挾雨聲碧叢宜看不宜聽而今一任蕭蕭滴華髮鰥
翁徹夜醒 右芭蕉

寄題邵武死事胡將祠堂

士各全軀命惟侯視死輕張巡鬚盡怒先軫面如生短刃猶泉
寇空拳尚背城新祠蕭鼓盛人敬比神明

寄題沙縣死事祝將祠堂文尉之子

淮右多良將吾猶識祝侯虎生能肉食豹死有皮留鉄漢為揮
淨冰翁與雪讎童戾獲賊剖心以祭標名忠義傳榮甚復何求

挽王簡卿侍郎三首

先帝初更化公曾以諫聞身雖遷柱史袖尚有彈文晚境圖成
佛他山預作故那知非變幻正在石橋雲

未着尤奇特杯行忽坐亡無香分侍女有硯遺諸郎長樂旌旗
改平泉竹石荒公今呼不應浮議果何傷

已矣孤知己顏蒼髣髮稀維曾叅話柄終未契禪機尚欲扁舟
訪俄傳隻履歸無因拜公墓稽首憾前非

題高九萬菊圃

胡公飲菊潭八十冠貂蟬高叟飲菊圃六十雪滿顛胡公死無
名高叟生無權隨糞土盡名與穹壤傳劉生勸高叟世事不
兩全飢且拾落英渴且斟寒泉快吟三千篇多活五百年

挽陳師復寺丞二首

已奏囊封墨尚新又携袖疏榻前陳小臣憂國言無隱先帝如
天笑不嗔闕下舉幡空太學路傍卧轍幾遺民愚儒未解天公
意偏壽他人天此人

歲晚滄洲築草堂却將筵掖換軒裳市朝共歎鳳高翥世俗或
疑麟不祥童子舉扶猶慨門人要經各淒涼衰殘無復相鐫
切遺墨常留几案傍

別高九萬

花翁徒步悲詩境菊圃春糧哭復齋衆客食魚彈缺去幾人白
馬素車來尋思舊事成三嘆斷送諸賢入八哀信矣兩生俱烈
士有金當為築高臺

贈建陽醫士楊椿老二首

當年琴調絕平正
妄意先賢宰武城
邑有澹臺猶欠識
始知令尹未聰明

晚愛冊書義味長
無身始與患相忘
殘年頗覺飢難忍
未敢貪君不死方

挽潘柄

復齋之客滿夫子
生死相從未忍分
薛守頗曾參道潔
志完何可欠承君
魯生邀飲猶同去
龐嫂來呼已不聞
叢舍一卮真未

訣老無脚力拜翁故

袁溉字道潔薛常州李宣從之學易

贈揮書記二首

野老柴門不慣開
有僧飛錫自天台
前身莫是寒山子
携得清詩滿袖來

捧唱機鋒掣似飛
推敲事業費尋思
師歸定被叢林咲
腹裏無禪却有詩

答黃鏞

少年妄意假韶鳴
憂患欺人兩鬢星
此去真當盟社友
向來不

合誑山靈百年如夜何由旦萬古無天只麼青若到桐城逢舊
友為言多醉少曾醒

答陳琏主簿

主簿佳公子何曾染綺紈果能磨鉄硯真可軟銅盤君壯雷驚
蟄吾哀月闕團太玄三月缺其團家貧無珪貝珍貺欲酌難
不如開明于西

寄題南康胡氏春風堂

芋魁菜甲必同食石田茅屋不忍折有時對床聽風雨有時共
燈窺簡冊大兄獨抱古人道群季各修弟子職一門和氣常如
春紫荆花開庭草碧宛然生在舞雩時又若坐於明道側吾常
三復棠棣詩周公千載有慚色共梨分棗能幾何摘瓜煮豈堪

太息區區錐刀未足讓伯夷遜國采薇喫君能聚族真卓行余
亦為兄愧涼德暮年有意觀廬山因作春風堂上客

送孫明府

兄弟繼
為邑宰

三年於赤子摩拊極殷勤令尹留方寸吾民受一分宛如小滕
國突過大馮君四境風謠美諸公必采聞

答陳璘司戶

丞相詩高妙諸孫亦復奇惠連康樂弟子美審言兒三舍猶當
避編師未易支老來怯酌唱欲速反成遲

辛卯滿散天基節卽事六首

老作黃冠返舊山尚支驛料破衙官孤臣毫髮皆君賜獨坐風

廊不覺寒

門廡無人殿未開
白頭散吏久徘徊
年七歲七千秋節常占群
官第一來

聞說都人競出嬉
御街簫鼓倍年時
相公入奏天顏喜
半夜揚州送捷旗

約已隆親禮不同
鈞天無譙錫臣工
太皇勲德侔高帝
陛下謙恭似孝宗

野衲云云祝聖躬
亦拈拂子演宗風
恨渠僻陋無聞見
不識光公與杲公

小臣無狀挂丹書
還著青袍兩載餘
物色依然如碧鶴
階衙久

矣削緋魚

挽王華甫提刑二首

兄作行狀

小角從諸老麻衣客
五侯風雲疑反手
江海不迴頭寂寂
生堪

笑皇七死未醉空餘老
知識閉戶著窮愁

何必求佳傳
家庭論自公
穎濱碑玉局
曲阜狀南豐
轡遠方追

電箏調每值風
深知有遺恨
不見捷旗紅

還黃鑄詩卷

曾伴靈芝湖上吟
當年一悟至今源
流不亂知歸趣
篇什無多見苦心
貫虱功夫須切近
膾鯨力量要雄深
暮年誰可談茲事
益有村醪且自斟

徐懋功餉酒用其韻

少時酒伴盡豪雄
歲晚併壘一併空
方歎獨醒吟澤畔
忽勤分餉到
籬東
鯢鯨有量真溟滓
螟蠹無知妄異同
老矣此身何處着
便應埋向醉鄉中

答陳瑄

陳氏源流遠
吾猶及紀群
昔惟知伯氏
今又識郎君
後學尊師友
先賢賤藝文
滄洲書冊在
努力緝前聞

挽陳孺人

昨弔空幃淚未收
忍聞緋綬向斯丘
不為尚子了家事
似與龐公圓話頭
天下斷無膠可續
人間最有劍難求
潘郎文筆尤宜

誄想見新碑字上愁

壬辰春上塚五首

城南

一閉幽堂十九年
萬松手種已參天
懶隨人乞郭東祭
自與母耕綿上田
試問拂雲施鶴表
何如藉地薦豚肩
此身只合安閭里
長為先君掃墓阡

西樓

溪草林花爭碧紅
傷心黃壤閱芳容
短松明月易陳迹
斷雨殘雲難覓蹤
伊昔老益常共酌
即今敗絮債誰縫
白間一斗倉陳粟
薄暮歸來獨自春

郭西高大父

自古佳城屬吉人郭書王識豈能神掃松稍喜衣冠衆薦芟何妨姐豆貧委巷起家基世德分山墓友等天倫側傍即是黃香塚冥漠之中尚卜鄰

中尋

憶昨隆乾致太平諸賢聳聽鳳先鳴奏篇不愧登瀛選拂袖難留出畫行當日伯夷兄弟瘦至今楊震子孫清定知千載墓陵路尚有行人酌董生

壽溪

水如壽帶山如抱画手難摹一段奇松下可澆三奠去墓傍安

用萬家園虹來昂首寧非瑞蛟徙無蹤若有知水角釣遊今白髮重尋陳迹不勝悲

訪李鋼草堂不遇

細路縈紆入野田遥瞻竹樹已欣然青苔地滑跌盧老蒼耳林聲迷謫仙不羨玉堂在天上徑須茅屋占雲邊極知謝客非為亢貪看林花聽澗泉

題陳遂卿隱居

蚤日稱雄翰墨林暮年里巷且浮沉諸公自負遺賢媿此士元無謗國心杜牧送薛處士序處士子佩子衿輸少俊某丘某水之名自負也謗國也棟幽深明時莫作逃堯計忽有弓旌底處尋

綿亭林逸人扁所居室曰歲暉求詩

先生讀易注叅同築室雲山第幾重昔過壺丘疑見怪今於老子信猶龍方靈有物司丹灶符驗無妖血劍鋒只恐欲歲上未得世人往也或知蹤

題白渡方氏聽蛙亭

塘水拍隄科斗生想君亭子俯幽清黃梅雨足野田澗牡麴煙收村墅晴莫信人嫌無理鬧頗疑渠有不平鳴畫堂方喜聽琴阮誰愛天然律呂聲

贈鍾主簿父子

旗鈴接跡向西馳丹柱靈椿並一時競說郎君能跨灶頓令老

子欲答兒妙年不患錐無穎前輩曾言木就規相國晏公元楚產何須千里遠求師

寄趙簡叔知宗

造物方將貴此翁煌煌三印屈盤紅燄天不受珠犀沈表海新兼鉄鉞雄詩滿名山留妙墨舶歸外國說清風何當把臂登雲榭共看鯨波浸碧空

贈豫知子

隔腹能知人肺肝瞭如燭照與龜鑽敏於一行推棋子妙似堯夫測牡丹道是鬼來疑大點驀然仙去覓應難身今槁木寒灰樣慚愧巫咸仔細看

簡叔和詩再寄

棄置而今成秃翁君恩量給太倉紅
着鞭總落諸公後揮麈猶堪一世雄
花月三千篇絕唱海天九萬里剛風胸中本自無
冰炭况讀君書一掃空

寄章貢姚別駕

贛江當日血成川誰肯身馳不測淵
尺檄約降諸峒靜單車擒畔一城全
帶刀俗染惟新化橫槊詩看第幾篇
想與元龍談世事亦憐踈拙老林泉

三寄簡叔

屢有詩貽田舍翁燈花常至夜深紅
莫嫌雲榭文書冗稍喜冰

銜職任雄健吏安知元結事貪夫愧死伯夷風
得君厚祿吾何患從此樽中酒不空

寄章貢姚使君

爰在江西尤鉅麗極知君相選侯難肯多法
從懷州紱今少詩人上將臺歛戍官兵申
拆洗放衙谿洞報平安衰顏欲納轅門謁
却怕崆峒臘雪寒

蔣邁說易

新圖別義初拈出四座皆驚昔未聞
定是胸中通象數或於夢裏見義文
向來夫子編三絕近世名儒說七分
自笑腐生尊古注可能挾冊便從君

讀金鑿密記

伏下千官走似磨倉皇誰護屬車塵禁中陸九艱危共殿上朱
三苦死嗔當日橫身抗岐汴暮年避地客甌閩小窓細讀金鑿
記始信香奩屬別人香奩集和疑作非致光也

哭鄭君瑞長官二首

自解銅章後終身耻折腰偶然安舊隱非不恋清朝薪水終能
給弓旌未易招故山梅似雪犹足配清標

史著陶潛卒何妨爵秩卑竟無乞米帖止有采薇詩舊友誰為
誅新阡尚欠碑中年哭同志孤竈可勝悲

獲硯

二硯温如玉琢成信知天地有精英馬汗紫潤尤宜沐鶴眼青
圓宛似生未愛潘郎呼作友便教米老拜為兄今年几案多奇
獲應是窮儒命漸亨

再獲一硯自和

三硯聯翩買券成絕勝玉杵聘雲英撫摩無粟向肌起塗抹有
花從筆生韞匱每愁逢暴客傾囊或笑費方兄古來事業由勤
苦不信磨穿道不亨

蔡叔講通書

蔣君易學高無助蔡子重來講杏壇絳帳先生移席聽青衿學
士堵牆觀舉揚霽月光風易箋注先天太極難穩坐虎皮揮麈

尾豈知春雨客毡寒

遺編

短髮蕭々老日侵遺編未敢廢研尋薰菹理欲迷通義袞斧忠
邪害恕心篤信聖賢常事左稍知治亂每憂深人生有腹當盛
酒誰遣吾儕著古今
一念終萌帝已臨豈容纖芥自欺心夜猶養氣操存熟晨偶科
頭警懼深跌宕少曾希管葛歛歲晚欲學柴參小窻稍覺春宵
冷自設篝爐置楮衾

貧居自警三首

昨者匆々擲印歸六年岑寂閉柴扉歲荒奴僅拾殘穗日晏婢
方羨苦薇寧渴莫賒鄰近酒儘寒不着借來衣中年但祝身強
健要卧松風坐釣磯

赤粟黃齏味最深此生不恨老雲林鬼神每噉高明室天地皆
知暮夜金夸士燃臍犹殉貨先賢覆首或無衾一瓢千駟同歸
盡莫為浮雲錯動心

客過吾廬語至晡旋營鹽酪刈薪芻酒蕪鱗脯不時有飯與魚

羨何處無

荆公云何處無魚羹飯吃

力穡勿忘家世儉堆金能使子孫愚俗

兒未識貧中樂妄議書生骨相臞

寒食清明二首

寂上柴門村落裏也教挿柳記年華禁烟不到粵人國上冢依
稀龐老家漢寢唐陵無麥飯山溪野徑有梨花一樽竟籍青苔
卧莫管城頭奏暮笳
過眼年光疾彈丸桐華半拆燕初還漢宮有燭朱門暖墨突無
烟白屋寒寧漫聞雞陪戲社頗思携鶴訪孤山今年林與金同
價偶得茅柴且盡歡

上巳

櫻笋登盤節物新一筇踏遍九洲春似曾山陰訪脩竹不記水
邊觀麗人豪飲自憐非少日後遊亦恐是前身暮歸尚有清狂
態亂挿小花滿角巾

村墅

村墅溪亭處一嬉新年海岱悉清夷盜平四野無驚柝虜去三
邊有捷旗子美間閨離亂際堯夫生死太平時從今一洗穷愁
語多賦看花飲酒詩

進德

進德工夫有淺深一毫間斷即差參醉無謬誤明持敬怒亦中
和見養心為善堂須朋友責積勤常若父師臨向來歲月悠
過垂老方知痛自箴

答梁文杓

二梁大學同袍舊晚識即君亦雋才柳永詞堪腔裏唱劉義詩

自膽中來老夫一榻何曾下吾子扁舟作麼迴見說銅城方調
卒未應能築禮賢臺

哭章泉二首

自有算瓢樂那須壁帛迎後凋仁者壽獨往聖之清古不稱千
駟今猶重兩生吾衰久無淚一慟為耆英
小扉通水竹幽絕少比鄰家似巢栖者詩非火食人於今無宿
士若昔有先民彊作微君誅居然語未親

贈馬相士二首

嫗貌何妨至輔臣猴形亦上有麒麟伏波眉目空如畫不是雲
臺佩劍人

唐人嘲歐陽詢云誰令
麟閣上画此一掃猴

荀卿粗了心形者蒯徹安知背面哉別有精微書不載待君見
了季咸來

余為建陽令遣小吏王堪為西山翁之役翁面之仙遊山
房招宦亭之上令抄道書久之若有所悟棄家不歸後
六七年詒余田間敝裘跣足真為道人矣自言欲謁翁
於銅城作五詩送之

向來刀筆充書佐歲晚衣中學道流畢竟賢於人一着醉中夢
裏忽回頭

拂袖歸來久閉關道人剝啄訪平安要知對面劉高尚即是翻
身靖長官

去日尋師莫遠尋
蓬萊何處海深
小房幸有棲身地
且讀西
山夜氣箴

聞說周仙有後身
出山不為兩朱輪
白雲丹灶俱無恙
憑汝殷
勤謝主人

或盤碧漢啖清宵
幾載山中伴寂寥
今日鶴來翁已出
他年却
恐費翁招

和南塘食荔歎

君欲和詩無勿
唱首天下文章公
今年荔子况倍熟
亭錦
蓋高張空猿偷鴉
咏牧童採林間
殘顆猶殷紅
在昔唐家充歲
貢吟諷何止杜陵翁
南甯交州西蜀土
快馬馱送如飛龍
絳裳

冰肌初照眼玉環
一笑恩光濃
推闔以遠幸
免浣一顆不到温
泉宮自從陳紫無
真本維玉晚出
尤稱雄
邇來雞舌擅瑰
蒂替香譽味萬喙
同麟臺仙人親題
品天為此果開
遭逢乃知微物
似有數聲價亦與
時汙隆列聖儉德
被華戎微如淮白
不敢供柰何置驛
奉私室安得木鐸
觀民風山蹊谷
整日力窮血肩
踈足馳筠籠請公
移此食荔歎置在
薰風殿閣中

後村居士詩卷第十

詩

送真西山再鎮溫陵

父老香花夾路催
朱幡那忍更徘徊
至此尤宜弛珠去
安知不復迴
海上有艘堪致粟
洛中無篚勝生財
泉人畢竟修何福
消得西山兩度來

水仙花

歲華搖落物瀟然
一種清芬絕可憐
不許淤泥侵皓素
全憑風露發
幽妍騷魂洒落沉湘客
玉色依稀擬月仙
却笑浩翁太脂粉
誤將高雅匹婁娟

葵花二首

植物雖微性有常人心翻覆至難量
李陵衛律陰山死不似葵花識太陽

下了江南奏凱迴曹公鞅未忘懷
爭知野老門庭冷旌節無心忍自來

題鄭寧文卷 西山作跋

昔侍西山講習時頗於函丈得精微
書如遊客猶遭絀詞取橫汾亦恐非
箏笛豈能諧雅樂綺紈元未識溪衣
嗟余老矣君方

小動向師門扣指歸西山先生編文章正宗如遊客書之類止取秋風辭西山款去之蓋其議論森嚴如此鄭君試以此意求之可也

悼阿駒七首

吾老方期汝元宗愛憐不與衆雖同堂知希世千金產止作空花賺迺翁

長兄開卷每隨聲大母繡經亦諦聽眉目分明無天法恐緣了寸與惺

北轍南轅有近期吾兒掣手去何之夢中玉雪來懷抱愁絕臨鐘喚醒時

隔日猶能喚女兒記於孝友殆天成直須見汝蓮花上纔得胸中一點平

富貴威權得自由奴融二子殺楊修閑人於物無恩怨那得倉

舒只麼休
眼見玄花因悼亡觀書對客兩莖洋情知淚足衰翁血更為童
鳥滴教行
人王憂患本無涯強取瞿聃語自排吾母白頭尤念我吞聲不
敢慙慈懷

鄭寧示邊報走筆戲贈

曾客嫖姚與伏波慣騎生馬擁琯戈金臺有命終須築鉄硯無
功亦且磨見說帛書來汝洛又傳毡帳迫淮河只今西北多機
會吾子南歸意若何

挽劉學諭

徐尤溪鹿卿之婦
翁豐城人名履

少游鄉校至華嶺常以蠶鹽養浩然科舉法行無譽士立園禮
廢有遺賢劉蕡下第人稱屈李漢編文後必傳聞道諸郎皆秀
孝拂雲華表看他年

送陳戶曹之官襄陽二首 珽

丞相曹叅督府謀即君今復贊邊籌彼哉金谷飲長夜去矣玉
關防盛秋尺度豈能拘快士功名斷不在中州習池水滿堤花
艷安得相陪賦遠遊

幕府秋風爭日生恭軍正馬去魚程起為楚舞何其壯吟退

在此行且喜峴山碑有跋不愁江表傳無名老儒那復封侯
夢止願躬耕看太平

吁士張季携所注三略訪西山先生既改其書余復題二
絕於卷尾

張生快士非拘儒袖出一編相所書撲虱拍蚊吾不忍斷蛇刺
虎手何麓

千里從師細講評橫渠昔亦謁高平自從受得中庸了止說西
銘不說兵

送湯伯紀歸番易

華宗所產必人英以見諸賢說父兄荀氏晚添文若出楊家又
有敬之生進堪負荷斯文責退亦流傳後世名身老荒村無可
恨獨於佳友尚關情

病後訪梅九絕

夢得因桃數左遷長源為柳忤當權幸然不識桃并柳却被梅

花累十年勸居詠柳云青東門柳歲
晚必憔悴楊國忠以為訊已

先生歲晚被人疑梅畔渾無一字詩明月清風愁併紫野花啼

鳥怕隨司

區區毛鄭號精專未必風人意果然犬豕不吞舒實唾豈堪與

世作詩箋

和靖林間效嗽時一邊覓句一邊餓而今始會天公意不惜功

名只惜詩

老子無糧可禦冬強鳴饑吻和寒蛩舍南舍北花如雪止燕清

香飽殺儂

典梅交絕幾星霜瞥見南枝喜欲狂便欲佩壺携鉄笛為花痛
飲百千場

一盞半首致魁台前有沂公後簡齋自是君詩無警策梅花窮
殺幾人來

春信分明到草廬呼兒沽酒買溪魚從前弄月嘲風罪即日金
雞已赦除

菊得陶翁名愈重連因周子品尤尊從來誰判梅公案斷自孤
山迄後村

陪西小遊鼓山一首

先王廊廟姿非直藩翰才南州綵旗留北闕丹詔催重臣方暑
行停驂小槩回客中載枚鄒物外尋宗雷逆窮天海觀一豁風
雲懷眷言此靈山自判宇宙來登臨幾朱輪滅沒隨飛埃堂
蔡與趙繼者其誰哉共惟勳業併况乃名節偕伊余忝載筆適
值祖悵開雖陪蘇子遊獨抱湛輩哀餞詩堪覆瓿不敢鐫蒼崖
鼓山用餘干趙相韻

城郭區區一聚埃江山如此信佳哉挾龍相國騎箕去招鶴仙
人解節來試問炊梁成短夢何如煨芋撥殘灰危亭更着文公
扁日落山空未忍回

題真仁夫畫卷

草木黃落水雲莽蒼孤舟卸帆凍雁夫行昔余遠遊沿瀕沂相
堠長石踈僕痛馬僵行李蕭然有詩滿囊今其老矣寧志四方
撫卷追思歷々不忘

題龍眠十八尊者

常聞天台境肉身往無從仁夫示此圖恍惚遊其中應真一々
若舊識或踏石臨龍涼山鬼投牒何敬恭天女問法九半茸
盆魚鬢鬢等針粟放去天矯掣空濛山溪無人地祇出被服導
從伴王公前驅驚獸後獲魁徐行殿以一瘦節喚々蒼壁謾々
松下有老宿眉雪濃石橋滅沒雲氣斷似是鬼國非天台層冰
融結挾怒瀑毒虺噴薄含腥風至人於此方入定壞衲帛首枯

枝同等閑一坐六十劫汝技有盡吾無窮書生往々談性命怵
以禍福猶兒童倒持手版口勸進對此寧不面發紅我知龍眠
筆外意要與濁世鍼有聲退之云釋善變幻愷之謂画能通神
幻即神取兩莫詰與手持叩西山翁

宋元章有帖云老弟山林集多於眉陽集然不襲古人一
句子瞻南還與之說茫然歎久之似歎渠偷也戲跋二
首

大令云亡筆不傳世無行草已千年偶然遺下鵝羣帖生世揚
風與米顛

二集一傳一不傳可能實晉勝坡仙蘇郎不醉常如醉米老真

顏却辨顏世傳來老

跋周忘機畫一首

周郎詞藝妙天下似是詩家非画家寧與松公寫琴操不為盛

尹作梅花

題林戶曹寒齋取鄭介夫積雪

舉世爭馳勢利場若於冷處看人忙不營摩詰散花室只設蘇州聽雨床種果園林無虎守看書窓几有螢光直須喚起西塘老來向齋中伴池塘

呈黃建州

當年虎穴挺身臨匹馬平欺萬綠林余欲關弓常掩涕汝能賣

叙即回心歌魚民已嗟來暮微管吾安得至今欲謁鈴齋參嫡
派管蘇何敢測高深

過建陽二首

溪上重來兩鬢絲豈知拙政久猶思旄倪欲見葉公面香火共存朱邑祠爭勸金君持酒琖不容老子閉車帷誰言俗薄今非

古我與斯民各秉彝

白布帶襦雪滿顛携扶僮僕拜車前皆言度氏相因粟猶是君侯不飲泉自昔活民須有備即今去客愧無權愚公老矣痴如故長把心燈望後賢

過章戴二首

魯叟新阡何處尋橋邊感舊獨沉吟一生欲唾茲諛面千古難
磨道義心溪首放魚晴潑日門令羅雀冷冷日發潛賴有西山
筆何日碑成勒碧岑橋下魚萬計君所放也

曾向明時雪李邕又聞名在聘賢中憶言鴟吻施茅屋恐見龜
趺立柏宮杯酒昔常陪賀老隻雞終待歿喬公情知客淚先難
制鄰笛那堪咽晚風君為閩漕欲請余為屬既而曰茅屋設鴟吻予遂止

答李泉州元善

平生陳無已白首欠吟債未嘗交馬呂况肯見章蔡附熱生可
鄙中寒死亦快吾方尚此友中車與全載前瞻有膺滂却顧有
融泰要當堅一履詎可立兩界恕乎行誼虧希也名節壞史君

惠良箴下走敢不拜懷哉道義交異彼始息愛

送趙信州二首

君於朝列號名流信在江東亦望州保抱彼民思父母齋咨吾
輩惜交游香凝應物吟詩榻以貫元章載画舟澗上泉邊今寂
寞豈無遺藁待搜求

貧者惟言可贈行臨分握手盡交情馬於轡力窮時駭鷗向機
心動處驚齊士豈無堪客禮蔡人便遣作牙兵遙知陌上羅敷
女驚看雙旌出勸耕

題趙子固詩卷

紫芝仲白俱仙去晚秀惟君擅士林字肖率更親手作詩疑賈

島後身吟九成合奏音方備
三染為纈色始深老去尤於朋友
篤未忘几硯琢磨心

題湯伯紀程文

詔書選後宮衆女競媒致拂鏡
濃画眉臨風高綰髻朝指東鄰
居夕已金屋貴彼妹絕代姿綽
約乘風起氣歲更合古趣佩服
與今異宜哉寤寐求惜也
懣悵棄君門深復深歲遣花鳥使

和高九萬雪詩

添盡綿衣體未和小窓奈此苦寒何
極知上竺仙人喜不道長安貧士
多窮營都無晨噪鵲邊城應有夜
驚鴉君才堪續梁臺賦早晚樓船濟
汴河

答曾無疑校勘

詩到黃初字永和半生西望邈明河
已招學士來儒館更欠小人拜諫坡
李渤四庫舊書存有幾五朝遺老苦無多
傳聞將講

臨雍禮小駐驪駒白玉珂

題袁祕書文藁

場屋聲名淳紹初同時一輩曉星疎
舉人尚記前鄉貢天子亦呼行祕書
出蜀詩堪編杜集涉湘文可補騷餘
中朝典冊湏鴻筆何必燃藜照蠹魚

題廬陵羅生詩卷

門巷蕭然人迹少筆裾客子袖文過
織千機錦非常巧熏一鉢

香已覺多持贈白雲情厚矣暗投明月愧如何
桃花水暖鱸堪繪恨不相携買短策

陳天人哀詩同父之女

龍川天下士女子節尤奇孟母遷鄰訓共姜誓已詩生無封國
分沒有表所時曾識雙珠樹聊為補些詞

挽連夫人

陳侍郎公益之母代洪侍郎作

渡江門戶已華簪嫁得黔婁作藁砧疇昔曾為賓截髮暮年親
見子腰金瀧所新刻豐碑妙防墓重封宿州深億與夏卿聯禁

路此詞題罷一酸心

參預陳公挽詩二首

人歎摘毫妙天知補袞忠力猶挽元氣身已御長風家譜併洪
氏官稱似范公獨憐專鄉莫不得至君中
聖主初調瑟煩公教寄聲已來周天老尚致魯諸王未至餘尊

盡西歸隻履輕中年知己渡銷得幾回傾

又二首代洪給事作

世道方憑藉云胡不慙遺重如鎮喬嶽寬可細須弥鶴閣開無
日墓陵寔有期嗟余衰久矣告弟之雄辭

不謂斯人天堂上在日中曾恭黃面老肯戀黑頭公性理天淵
徹榮華露電空獨餘章奏在聖主記遺忠

送王實之

欲去還留每自憐竟為吾子著先鞭孤忠盡見萬言疏十口同
登一葉船屈法相全煩聖主上書俱貶愧前賢南歸定過西山
下細把行箴告墓阡

重錢趙信州分韻得寢字

近向騷屑餘當字焦勞甚剖符寄非輕弄印擇已審盡然春風
和解比寒色凜吾聞守四鄰豈必衛堂寢惡馬易調伏小鮮難
烹飪臘前况屢白秋杪定一稔我侯但凝香彼州自奠枕英
尚書即餞詩麗如錦驪珠忽滿袖繼者皆曹沈願予如病鶴欲
鳴聲復噤寧論鬼柳榆行以親來諗南歸掣齋鈴倘留故人飲

鄭丞相生日口號十首

陌上塵飛勅使來親傳天語賀元台門庭如水無珍獻惟有黃
華伴壽杯

王呂紛更治尚安史韓祿伐始凋殘乃知元祐調絃易却是端
平變局難

金塢銅山二紀中可無玉雪洗貪風從今中外多廉吏家有錢
神賦一通

小范登庸面稍瘦惟公不以位為娛定家亦自臨朝說丞相都
因國事懼

舒黯淹留守相間平津千載有慚顏惜渠不見端平相召了西
山召鶴山

忤旨櫻鱗不自安明朝密啓
遷官百僚舉笏私相語相國胸
中得許寬
曠懷未許衆人窺細行猶堪百世師廣厦千間無地起靈臺一
序有天知
轉了頭廳屢乞歸已將傳舍視黃扉江湖不欠魚羹飯直為君
思未拂衣
篚苞不復入修門民力微蘇物漸蕃見說海邊停鏹局介鱗亦
被相君恩
不用占著更訊龜功成尚有赤松期由來壽與仁相貫季主君
平未必知

出宿環碧

逐客挑包水榭中忽聞乾鵲噪東風若非閩嶠安書至即是襄
州古語通

環碧寒甚移宿客邸

香歌朝衣懶更薰夢殘宮漏遠難聞漫即不稱青綾被退士惟
堪白布裙

桐廬州中即事

車前彎帽同聲散闕外華簪一揖休惟有浙江潮好事肯隨逐
客到嚴州

朱賈臣廟

翁子平生最苦貧
晚將丹頸博朱輪
老儒五十無章綬
歸去何妨且負薪

江山道中


純綿未覺中年煖
薄酒難禁二月寒
可惜一溪花
李樹貪程不得過橋看

徐偃王廟

仁暴由來各異施
秦徐至竟孰雄雌
君看驪岫今無墓
得似柯山尚有祠

漁梁

淺溪忽漲尋常水
朽榭猶開千百花
有酒可沽魚可買
造門莫



問是誰家

馮唐廟

當饋而今渴將材
豈無泉俊尚沉埋
不曾薦得雲中守
也道身從省才來

新蓬二嶺

路入雲端一綫微
人一切笑僕交譏
空囊非有連城璧
作麼携從間道歸

春陰

春陰欺得病夫身
偶值晴天一欠伸
客舍無誰相管領
半簷紅日苦白人

宿小寺觀主僧陞座

靜處尤宜策睡勳，徑投禪榻炷爐熏。
恰為蝴蝶春游美，忽吼鶯鷲色分僧。
袒右肩方說法我，聾左耳若無聞。
平生不作桑間意，草上挑包下白雲。

田舍即事十首

去年贏粟尚儲餅，又見新秧蘸水青。
野老逢人說慚愧，長官清
白社公靈

村落爭看烏角巾，略談心事向南人。
百年只有中州樂，世上無
為塞下民

古來觀社見春秋，苗袂銀釵盡出遊。
欲與魯人同獵較，可憐身

世兩他州

蹴鞠鞦韆塵不浣，摩鷹袖窄樣新裁。
社中年少相容否，也待鮮
衣染髻來

鄰壁潮歌誦學而，老人睡少聽移時。
他年謹勿如張禹，帝問床
前謬不知

田舍諸雛各雅馴，男兒盡有藝資身。
古來鑿卜多名世，莫學文
章點澆人

條桑女子兩鬟垂，車馬過門未省窺。
生長柴門蓬戶裏，安知世
有二南詩

草上衣裝挈自隨，壻貧畢竟與齊眉。
絕勝京洛傾城色，鎖向侯

門作侍兒

兒女相携看市優縱談楚漢割鴻溝山河不暇為渠惜聽到虞
姬直是愁

溪上漁郎占斷春一川碧浪映紅雲問渠定是神仙否艣去如
飛語不聞

寄題趙廣文南墅

博士才名頌白流詎應早計到菟裘宮中未索清平調海上聊
為汗漫遊隱几飽看山變態開軒惟對竹清脩買鄰有志嗟無
力肯與羊曇共賭

寄和湯仲能

憶昨挑包返故鄉意若束帶侍明光一書似坐窮為禁百計無
如去最長蟻穴夢殘何足計墓陵願在莫須償即今蔓閣多收
石定有名公雪孝章

送湯季庸監獄

季子真奇士聲名亞長君尚難友囊收何散吏朱雲江國無生
業沙場有異聞臨歧各珍重世故無紛紜

送徐鼎夫用廬陵通守博士戴文韻

一春風雨郡齋寒荒了麻姑老子壇余嘗主仙都玉局觀吏抱文書排闥
至客携詩卷退衙看愁未鏡裏絲難染老去胸中錦已殘若棹
扁舟見安道為言歲晚習中韓

次韻王元度二詩袁侔之子

留落而今兩鬢秋暮年出處愧前修
敢云余補韓公處極喜君
未謝客州奇甚寶譚騰紫氣清於玉
瓊荐黃流後生不作先賢
遠便合相推出一頭
向來綺語禍機深幾效靈均欲自沉
周廟人曾銘在背管城子
已充無心令誰伯樂能訓價後有鍾
期必賞吾老矣尚須君警
策昔人一字答千金

送趙叔愚赴潯州理棧

未奉三雍對聊為五筦行
卿書踰嶺少詩思入湘清
遠宦身差穩中州事日生
向來几離別此別最關情

離郡五絕

自傷臨郡淺有愧在民溪
稽首文公廟出唐直至今
既收其印綬猶送以車船
回首柱下史江邊更可憐
昨日專城守今朝失國人
乾坤如許大無地著孤臣
赫曰我衣定區區扣馬非
如何孤竹子嫌粟不嫌薇
丘筆鄭克段輒言象愛无
回天力不足削地罰猶輕

後村居士詩卷第十一

詩

寄徐直翁侍郎二首

銳情皆由氣所為浩然不屈是男兒
未知重入修門後何似初
攀折檻時已有客貽絕交論豈無人
取送行詩勿令一種求疵
者妄議君侯鳳德衰
憶昨紛口衆喙鳴
恆君噤聲久無聲
得非家客留廷尉
或是閨人沮仲卿
白壁微瑕終古在
黃金橫帶霎時榮
從來公議無情甚
莫遣蒙齋獨擅名

和仲第十絕

懶窺戶外問晴陰，靜向窓前閱古今。
江國事稀聊袖手，鈞天夢斷久灰心。

慈母清齋奉竺乾，平生功行默通天。
遙知靜坐修禪觀，永晝爐

中一穗烟。

即令江表尚怡熙，忘却前迴飲馬時。
泥水豈無風鶴助，平涼莫

受犬羊欺。

樓頭吹徹幾寒梅，推枕穿衣曉帳開。
蟻鬪蝸爭求子決，老夫身

世自難裁。

一春簷溜不曾停，滴破空階蘚暈青。
便是兒時對床雨，絕憐共

大不同聽。

行遍高臺到曲池，閑將白髮照清漪。
未應官舍無幽事，亦有臨

流嘯咏時。

少工文字老安施，不但才慳力已疲。
無復清泉來上綆，惠連入

夢偶成詩。

弟兄雖幸忝朱輪，各是人間五十人。
只合共娛千歲母，可能少

補二州民。

鴈回香上渾無報，鶴語啾啾似有憑。
忽得遠書看百過，眼昏自

起剔殘燈。

千古堂上一孔明，尚咨幼宰訪州平。
諸君應悉倦人意，老子寧

布赫上聲。

丁酉重九日宿順昌步雲閣絕句七首呈味道明府
傍邑曾為叔火塵獨茲猶是太平民
兒時所歷今三紀便喚溪山作故人

老子癡頑耐遠遊平生腹不置閑愁
今年天賜登高地身在雲峰最上頭

小休綠樹濯清泉垢盡身輕意欲仙
堂必魯儒如此樂舞雩風止在溪邊

九月南州菊未黃芙蓉取次獻新粧
不妨折取繁紅挿四海皆知西騎霜

只了年々作逐臣衣冠繼縷面埃塵
偶逢令尹留連我不畏狂

生點泥人

先倩清風掃水軒更呼涼月倒金樽
定知明府歸侵夜縣郭留燈未閉門

長君論事天為動季子居官水似清
雙旆不能鈔諫草偏聾尚可聽琴聲

徐中得茂實封事目昏字小不能傳錄

友人李先輩且父嘗以夷成詩二帙示余
莫知為何人所作心甚愛之通延平客有袖詩一章見訪始知夷成者蓋

葉君之別號也鬚髮浩然矣詩與人皆可重因用其韻為謝

筋力都非少壯時不煩攬鏡覺吾衰
展禽出仕曾三已表聖歸

休有四宜飽閱交情悲世道差強人意賴君詩
此生到死慙三

士本自雜招况易麾

端平初元召審八士余預焉惟張洽趙端頥范炎三君子者力辭不至

丁酉九月十四日黃源嶺客舍題黃瀛父近詩

不但行吟又卧披掩編因有感於斯競為蛙蚓號鳴態烏覩龍
為天矯姿損挹嫌人稱大好琢磨容我指微疵自慚學識非乘
鼎安敢陪君共說詩

次王元度韻

占盡靈烏顧盡雲君思寬大放歸闈一區二頃生緣薄萬緒千
條素髮新鉄馬即今徵戰士金鷄何日赦累臣殷勤說向西風
鴈多謝交游與吏民

送范守仲治二首

二年田里內民不識追胥官府絕無事使君惟讀書儉於住家
日懼似下車初太末方凋弊公行不可徐
放逐諳時態惟侯意味長醴為狂客設美許老人嘗南國留棠
舍西郊開草堂臨歧先作惡未可待剝腸

挽趙漕簡叔二首

雖擁輶車貴蕭然似布常家依僧舍住俸買古琴歸海內勝流
盡民間庶吏稀空餘詩卷在展玩一沾衣

恰訝詩題少俄驚訃問臨死方拋筆研貧不浣珠琛劫火難隳
節浮雲肯動心悲哉廣陵散舊譜有誰尋

曹路分贈詩次韻一首

古采詩律推曹氏不數河梁與管迤唐李三家松最勝荆公選
詩曹鄴一首曹唐建安七子植尤高短檠尚課兒精選老筆真
二首曹松十二首

用曹帥侍郎韻贈曹路分

曹侯書滿腹非以劍防身馬上檄尤速橐中詩不貧虜情工變
詐時論主和親旗鼓何如建方知國有人

永嘉曹君贈詩次韻一首

開卷沉吟首屢搔想提詩律比戎韜清於學士茶烹雪壯似將
軍怒射潮再苗三纒由染漬句泉卷石可深高蝸廬自笑無危
酒不得澆君道路勞

余大父著作嘗以所得沈元用給事歛硯遺水南林府君

後七十年林氏子大禹以端研遺余答以小詩

隆乾手澤稀疎甚教帖淒其在水南但看吾翁遺歛石固應之
子餉端叢丁寧後裔藏為好羞愧先民寶不貪自咲老猶耽筆
硯少年莫也肯同參

挽鄭子敬都承二首

重入修門兩鬢絲延和累疏竭忠規立朝頗慕汲生慙謀國不
知晁氏危老去故人能有幾右來君子例無時傳聞近事堪悲
慨說白重泉亦皺眉

向來俱觸相君嗔里社追隨二十年春尚記殘編燈下共忍看

華表路傍新行車不悉過
三步臨穴應難贖百身
歲晚空山風雨橫
莫易歸去倍傷神

次韻實之二首

孤臣去國四經春
迹遠安知罪尚新
蚕亦曾譏秦氏者
晚為與議濮園人
懶篋光範于時宰
且伴田家賽社神
醉倒不能愁世
事債他烟柳替金犢

向來歲月半投閑
莫歎朝朝首藉盤
身後芬芳聊自詡
眼前腥腐飽曾餐
蟲雞一笑何須較
花鳥相疎恐被彈
清議自為儒者
設未應羈束老黃冠

再和二首

借屋城中又一春
桃符萬口說清新
向來曾上慶曆頌
老去甘為元祐人
健論真堪驚
諂子固窮不肯媚
錢神吾評此士西塘
比後進紛口謾效顰

與君未得便安閑
邊警偏能惱澗槃
草地棗紅猶索闕
田家稻白可能餐
誰將鉄綆橫江鎖
莫靠琵琶出塞彈
處衝梯樓上舞不應
諸老自巍冠

三和二首

至聖時清萬宇春
禽魚花草各懷新
如何丹鳳樓中手
來作金雞竿下人家有
寧馨堪跨以囊無
何堵可通神客談
江北狼烟息暫展
双眉不用顰

厨人無職主君閑春日惟供菜滿盤山下鴉肥聊共飽堂中羊
羹得常餐徧嘗憂患肱三折已過光陰指一彈老去有中宜漉
酒笑他楚客切雲冠

挽戴丞

戴氏多人物君九月旦推能傳后倉禮亦拉叔倫詩故里懸車
蚤名場解褐遲他年端有恨椿桂不同時

題永福黃生行卷

廢詩二十餘年矣忽讀來詩眼暫明處士梅曾如許瘦化人酒
莫過於清蛩鳴競起為唐體牛耳誰堪主夏盟事濶語長殊未
竟跨驢作麼問歸程

送方清孫參學

僕負輕裝主倚轅交游握手若為言須求沂水舞雩樂勿愛沙
河夜市繁曩日士曾宗郭太他時我欲傳何著殷勤待折津亭
柳老怕春寒不出村

挽南塘趙尚書二首

起掌端平制蕭上素髮新更生宗室老太白謫僊人貴矣拔施
馬悲哉筆絕麟誰為篆華表題作宋詞臣
自從水心死塵柄獨歸公於易疑程氏惟詩取晦翁二箴家有
本孤論世無同不復重商確騎鯨浩渺中

次韻實之春日二首

向來文字擅中朝留落而今賦大招才子左遷追屈賈相君高
蹈友松喬山行或與樵爭席澗飲聊將掬代瓢借使終身無一
事亦令千載仰孤標
梅醜朝衣塵滿靴曾穿細伏對延和角巾久已尋初服錦帳何
須恋舊窩能讀書人天下少不如意事古來多半生寂寂因迂
濶垂老方驚歲月蹉

再和

榮陽相昔獨當朝曾忝弓旌第一招無力不能救房琯有書安
敢托洪喬如聞徒步輕千駟未覺堂厨勝一瓢鄧禹封侯子陵
釣君看二者孰風標

少小從軍事袴靴祇今廟筭主通和來復去鬼三窟民散未
收鋒一窩建炎有盜名一窩蜂病覺風光於我薄老知書冊誤人多罪言
祇就溪巖取自笑狂生壯志蹉

三和

豈有絲毫補聖朝去來擾攘費麾招不能履屐供群謝未暇綸
中擁二喬著老萊衣伴服冕食於陵粟勝操瓢臣之少也猶踈
懶何況頭令挿素標陶詩素標挿人頭

長劍拄頤刀納靴得如曝背趨陽和買鄰底用百萬價好事曾
為十二窩異日史臣應有考同時朝士欲無多與君死守西山
學莫遣人譏末路蹉

四和

夢魂久不到清朝縱遣巫咸未易招塞比今惟一帶獻江南前
此幾陳喬扶顛個日無長策排悶時日飲大瓢他日松根溪掩
骨何須竹帛有名標
朱門画鼓舞宮靴應笑狂歌似采和露坐一生無步障春遊是
處有行窩紹興謹議誰當續元祐全人本不多辨取九年同面
壁未應未後話頭蹉

五和

尚記諸賢聚本朝當時君相急旁招簫韶九奏鳳諧樂金彈一
聲鶯下喬強項昔嘗攀殿檻饑腸今欲飽僧瓢早知不得文章

力却悔從初奪錦標

頽然一榻懶巾靴二月東風尚未和雀闥屋簷來作宿蜂唧窸
紙去為窩字愁余髮五分白健思君才十倍多欲訪東臯賢鼻
祖几回路與醉鄉蹉

六和

那復熏衣事早朝杖藜時赴野人招謀身不善交韓呂度世猶
堪訪賀喬杖有百錢尋酒垞家無一物止詩瓢君看莘渭三王
佐何似夷齊萬世標

生怕將軍手浣靴安能柔軟舞靈和艱虞夷甫方謀窟老懶堯
夫少出窩時事紫棋如許急春愁抽繭未為多終南一徑非常

旋自是吾徒問路蹉

別張季

昔謁西山過里中談兵論易氣如虹若非遇彼負苓者必是傳
於陸履翁至竟白袍無誦屈何曾黃策有英雄秋風定訪蒙齋
否為說馮唐老更窮

挽淮東丘升撫幹

予美曼卿流遠携書劍遊惜攀丹桂晚勇赴白檀秋尚喜前籌
壯即紆左社憂時危奇士天無淚可供愁

五月旦日雞鳴夢袖疏墀下先君問言何事答曰猶素論

也先君太息稱善聞追班聲驚寤以詩識之

夢中侯對殿東廂邂逅先親問答詳確磨不能移素論曝片終
欲獻清光觸屏訓誦生猶臭攀檻傳名死亦香君父臨之安所

避凌晨起坐涕淋浪

蔡京云如劉安世確
搗磨止說元祐是

和張使君一首

里巷傳呼有座來柴門草戶亦榮哉相忘金鯽忽然躍慣見白
鷗渾不猜墨客堵牆觀落筆花神步水出行杯定知入奉君丘
計萬一君王訪草萊

題趙別駕委齋

乍看華扁費尋思徐叩微言極坦夷無可柰何安命者吾非惡
此欲逃之萬羊賦祿渠前定二鳥蒙恩彼一時總被委齋參透

了不求符竹止求祠

次張使君韻

欲架茅堂久不成蕭然身世托專城日無車轄非常靜月有食
錢未足清髡首向來輸白粲短衣老去劇黃精絕憐不極梁間
燕歲日新巢巧自營

讀邸報二首

並驅華轂適通遠中路安知判兩歧邪等惟余尤甚者好官非
汝孰為之累臣放逐無還理陛下英明有寤時聞向蕭山呼渡
急想追前事六顰眉

瑤編對秉初修筆粉署同携夜直衾虎既蒙皮甘搏噬鶴因瘡

羽久呻吟盡歸一網機猶淺橫說三綱害最深想到鄒山多暇

日軒書毋惜細研尋

自和二首

橫身久塞楊朱路灑泣俄悲墨子岐陋矣射鈎而中者壯哉鳴
鼓以攻之侍讀自無遷府分梅詢晚年指其足曰是中丞還

有就船時舒亶去國在客舟歸八風舞罷君思歇贏得閑愁上兩眉

貴豪渠已重金帶貧病儂猶舊布衾鍾阜解化無宿憾荆公與

仇荆江感事有新吟山谷有荆江書事早知餘耳文難保晚覺

王何罪未深白首還鄉應閉戶斷無保社肯追尋

和實之讀邸報四首

祝鮀非是佞宮僕未為凶鬼谷從橫古終南詭秘蹤斷無麟在
藪獨有鼠穿墉千古誰儔正依稀似敬宗

穿鑿疆揮塵跳梁勇執弓矯誣天亦怒驅逐國為空笑裏刀常

有盟邊甲已衰拾遺端可拜誅佞筆生風張萬福拜拾遺王仲舒等於延英門下

外觀殊偉岸內稟極愴柔欲取漢清議書投唐濁流鬼車鳴甚

惡猛虎死方羞芳臭須臾判哀哉不善謀

一枰初駭聽隻渡謾求哀極口誣賢者甘心譽彼哉其人當引管仲見繫

早知豺不食安用鳩為媒試問高陽里迎車幾兩來

再和四首

孤鳴工作崇鴉噪每為凶魯觀初尸罪立門永削蹤謀身真有

窟鑿趾欲無墉鑿墉之趾以益其高力擊延齡去堂上似亢宗

舊知偏下石遠避亦傷弓留落周南衆蕭條冀北空萬言徒飾

詐雙淚却由哀王績何曾醉劉蕡本不風

噬人併他毒害物比猫柔李義甫柔而清議姑驅逐寬恩未放害而號人猫

流劍誅張禹優扇障褚淵蓋諫筆非私忿倦口為國謀

伏閣何其壯登舟得許哀人多稱快者天堂少恩哉惡草毋留

種天桃不待媒九重方遠佞寧放鄭詹來

挽李卿儔二首

若說兵財少臣非怯塞垣上思前語驗人歎左遷冤老火雲中

守風寒國北門故交頭白盡空為賦招魂

人物今衰少，惟侯勇智兼。
悲風起閩塞，斜日薄崦嵫。
老子無從涕，諸賢不及髯。
知心惟蜀李，應為發幽潛。

後村居士詩卷第十一

後村居士詩卷第十二

詩

洛陽橋三首

周時宮室漢時城，廢址遺基刻已平。
乍見橋名驚老眼，南州安得有西京。

嬴氏曾驅六合人，蔡侯只用一州民。
立犀豈不賢川守，鞭石何須役海神。

面跨虛空趾沒潮，長鯨吹浪莫漂搖。
向來徒病川難涉，今日方知海可橋。

泉州南郭二首

閩人務本亦知書若不耕樵必業儒惟有桐城南郭外朝為原
憲暮陶朱
海賞歸來富不貲以身殉貨絕堪悲似聞近日雜林相祇傳黃
金不博詩

同安

城不能高甫及肩臨風搔首一懷賢當時矮屋今存否曾著文
公住四年

龍溪道中

曠土茫茫無主名朱門惟恐藉分明老農猶記淳熙事太息文
公志未行

木綿鋪

庵遠人稀行未休風煙絕不類中州何須更問明朝路總出南
門極日愁

靈著祠

甘寧閩羽至今傳名將為神自古然生不封侯三萬戶死猶廟
食數千年

韓祠三首

柳祠韓廟雙碑在孔思周情萬古新不信二公俱絕筆別無詩
可送迎神

一宵醜類徙南溟靡待仙官勅六丁宗閔與紳空並世可憐不

似鱷魚靈

策相竹今供戎卒武侯柏亦付胡兒南來獨有昌黎木神物千
年尚護持

留衣卷

老子今年五十三諸方恭了又重恭誰能遠禮文殊佛且訪顛
師海上庵

惠潮道中

春漲絕不見妍華極目黃茅際白沙幾椽半天紅似染居人云
是木棉花

循梅路口四首

翰客紛々露刃過斷無徵吏敢譏訶身今自是牢盆長較爾能
賢得幾何

導吏倉忙乞調兵未應機動遣鷗鷺傳聞老子單車至慚愧偷
兒讓路行

鈔法如牙未愈張可堪於此更求詳祇應新執牙籌者拾得研
桑肘後方

三十年來邊宿兵大農無計飽連營元來有箇浮鹽策南渡諸
賢未講明

白雲庵

太行以北海豐南我與梁公各有慙兒五十餘親八十可堪來

宿白雲庵

叱馭庵

所立未如溫太真詎宜跬步暫忘親乃知峻坂驅車者有愧高

堂扇枕人

將至海豐

漁鹽舊俗慣恬熙兵火新民脫亂離石路棘陰三十里今猶彷彿

太平時

東坡故居二首

嘉祐寺荒誰與葺合江樓是復疑非已為韓子騎驎去不見蘇

仙化鶴歸

惠州副使是新差定武端明落舊階盡遣秦郎晁子去只携周

易魯論來

豐湖三首

岷峨一老古來少杭穎二湖天下無帝恐先生晚年落南遷猶

得管豐湖

小米侍郎生較晚龍眠居士遠難呼不知若箇丹青手能寫微

瀾玉塔圖

作橋聊結衆生緣不計全家落瘴煙內翰翻身脫犀帶黃門勅

婦助金錢

羅湖八首

平生不作賈胡留，
底江邊未發舟。
瀧吏不須前白事，
更忙定要看羅浮。

中州無地堪投足，
垂老攜家泛漲江。
不愛朱丹画車轂，
且貪紫翠入船窓。

歲晚南游訪稚川，
苔封丹竈尚依然。
不知的在山中否，
萬一歸來說內篇。

穎水箕山未脫然，
在湏斷盡世間緣。
野人曾被朱轡沈，
不作天仙作地仙。

異境微茫在半霄，
仙人垂手下相招。
老來若有君親念，
未敢相陪過鉄橋。

衡嶽仙都迹已陳，
雲臺玉局勅猶新。
暮年擬乞冲虛觀，
長向山中祝聖人。

浪跡人間狀似顛，
草書壁上海如椽。
吾評二士皆竒怪，
未是真

仙亦鬼仙。
觀中有白玉蟾字併懷黃天谷

五更海底湧金輪，
咫尺蓬萊不遠人。
欲和蘇詩臨絕頂，
可憐漢節尚隨身。

扶胥三首

一陣東風掃暄霾，
天容海色豁然開。
何須更網珊瑚樹，
祇讀韓碑也合來。

賜谷扶桑指顧間，
馮夷得報平安為。
言博望乘槎至，
莫作師

襄擊磬看

前祭京師奉祝詞尊嚴不比百神祠
臺家今歲籌邊急黃帕封香已過時

兼船一首

驚笑飛芻瘴海頻扇遮不斲
庾公塵而今更遣蕪環節羞寫水

街寄故人

兼諸司二首

白頭忽有印纒已符牒如山
退食遲但見旋添庭下事不知損

減集中詩

只是從前踈拙身而今結駟昔懸鷄
伯鷺老去無遺恨獨憶同

操井田人

唐子西故居二首

一州兩遷客無地頓奇才方送端明去
還迎博士來

無盡頗縱橫晚方收蔡京猶稱賢宰相
應為客先生

風播堂二首

告子早不動先師四十餘乃知盧行者
暗合秀才書

夜上各跌坐朝上同打齋不知那箇子
曾夢祖師來

羊城使者廟

山川殊壯麗井邑亦繁雄
獨有羊城廟蕭然瓦礫中

江南五首

已報行營入猶夸借壘堅何曾陵谷變但見市朝遷
銀也駭孺子井蛙徒自尊如何南武帝面縛向夷門
其艦逃安往焚巢潰不支區區一州力不足辱王師
宣勅猶疑鵠龍顏笑引觴絡鞍奉明主執挺長降王
身是假皇帝國由內太師偽朝舊宮殿歷已有遺基

即事十首

香火萬家市烟花二月時居人空巷出去賽海神祠
東廟小兒隊南風大賈舟不知今廣市何似古揚州
俗情重蒲飲故事按舟師莫倚無山越閑將作水嬉
占斷百花白摘來三伏涼着身素馨國荀令未為香

瓜果踰拳祝喉羅撲賣聲粵人重巧夕燈火到天明
名荔絕甘冷與蒲爭長雄不逢蔡公譜埋沒瘴烟中
吾生分裂後不到舊京遊空作樊樓夢安知在越樓
突薪初不戒綆缶始言功累甍為墻壁前人智未工
復闕無雅操涉洧有遺音未可繩三尺檣柳當委禽
沐髮眠常晏濡脣飲不多誰云五瘴毒常備四時和

藥洲四首

非有干時策聊為避地圖昔人補勾漏老子管仙湖
役民如犬馬國破作降俘往湖中石宣和艮嶽無
怪上奇上石誰能辨醜妍莫教贊皇見定輦入平泉

觀寺臨湖上亭臺出柳間都忘采五嶺將謂在孤山

登城五首

尉陀故秦史堪執鄣侯鞭箕踞問使者吾方帝執賢
已作南夷長那為北面臣未忘真定冢畢竟是華人
漢人稱勁粵累世不加兵枉卒纜三百如何便隄城
漫費人蒸土常如物潰隄傍疑為息壤下恐有蟠泥後州治
郭外皆鯨浸區中等蠹窠若無西鴈翅客子奈愁何

城南

城南多海物比屋盡閩人四野方多壘三閭欲卜鄰

題蕭令小則文編二首

繭紙銀鈎寫一通殷勤投贈愧空_上轍環晚乃交吾子綢載天
將富此翁著論未容符獨步操琴欲與愈爭雄兒童錯認眉間
喜疑有珠屏滿篋中

咄_上人皆恠老夫奈何此客去難呼招溫處士為羅否待穆先
生設醴無我有青芻堪秣馬君言白髮久占烏人生蟬冕腰金
印未抵班衣膝下娛

題唐察院詩卷二首

細讀公詩屢絕編心知妙處口難傳言_上歲傲堪垂世歷_上行
歲自譜年但覺朱絃餘唱歎不煩玉斧更雕鐫小儒可是終身
膽擬為坡仙注大全

不見林夫與子方坦翁健筆六堂上孝誠親有終身慕忠愛君
無一飯忘銘座六章常作佩入臺五字鐵為腸未應徑欲投吟
社諫草長留御榻傍

次黃殿講鳴佩亭

誰引扶胥水入城循除終日愛琮琤天風何許珮環響秋色自
然竚籟聲盡洗珠犀寧受泥少留琴鶴未須行他年父老傳都
漕名與漁翁一樣清

廣州勸駕一首 庚子權郡

番禺文物於今盛閩浙彬々未足誇丞相完曾住南郭鼎魁坊
止在東家好陳董子三篇策莫看唐人一日花珍重詔書相勉

意士先器識後詞華

廣州都試時攝帥

自昔番禺統府雄君恩暫許領元戎不差短髮垂肩白且愛前
旌照眼紅筆久不靈妨草檄臂新無力怯開弓即今趨距多象
俊安用輜車載此翁

燈夕二首呈劉帥

士女如雲服珥鮮暫陪獵較亦欣然清於坡老游杭市儉似華
崖在劍川使指何功頌卜夜遨頭此念可通天粵人擁道千層
看不見抵鞍三十年

陌上遊人趁篋絃豈知君相尚籌邊細聽父老交談處猶記兵

端未動前草市收燈如許早端門瞻蹕定何年書生晚抱憂時
志歸畫殘反理舊編

次韻二省併呈倉使

晚霧徐收月色鮮承平物態尚依然
斷無颶母起吹海應有蚌胎還
媚川遠俗熙恬猶樂土孤臣流落謾憂天
夜歸聽得與人語且願新年勝舊年

歸念常如危柱絃春來夢繞白雲邊
不知新雪添頭上但見繁星滿目前
即事有詩聊記節揀時無策但祈年
二公妙語堪傳遠巖杜何因可共編

余吸塘子潮士鍾大鳴有詩相寬次韻

愁眉暫展賴君詩欲以先知覺後知
歷引竺乾寬此老未甘羸博定吾兒寄阿蘭
若俄經昔耐短松岡會有期欲訪巫咸何處
在憂來自向理中推

再和

彭聃俱未離予死况汝孩提未有知
自昔丈夫憐少子即令王母惜孫兒
環尚記曾遊處建鼓應無再見期
三紀七揮兒女淚孰尸壽夭莽難推

蒲澗寺

齊人陳迹此流傳班史蘇詩豈必然
故老皆言家即寺癡兒誤入海求仙
莫將劉項分羹鼎來浣巢由洗耳泉
欲採菖蒲無覓

處且隨蕭鼓樂新年

越臺

南帝當年此築臺稱雄亦豈偶然哉
謾通異國求陽燧不道偷兒飲
漆杯能使越人存舊跡始知秦吏有奇才
祇今黃屋歸何處但見牛羊夕下來

次韻劉帥出郊一首

競逐朱轡載酒行熙熙物態與人情
浴沂我欲尋儒服涉洧公方厭鄭聲
試問冶容邀夜市何如赤脚饁春耕
故山瓜圃應無恙老去汲知愧邵平

次韻李倉春遊一首

秧馬從今漸可行林鳩未好便呼晴
敢云使者乘輶傳即為君王式耦耕
有一日留憂職曠無三宿戀覺身輕
此生不復持高論願友臺終與尚平

挽崔丞相三首

先帝謀元帥煩公護蜀淮軍皆歌范老民各像車崖比顧猶闕慮西歸已卷懷
早令扶日月寧不掃氛霾

麻卷揚庭久蒲輪就道遲虛傳楊綰用不柰蔡謨辭
祝柱從渠誚摧梁得許悲流傳千載下猶足勵清規
昔侍瓊花宴回頭二紀餘嵇康作書懶魏勃掃門疎
尚意開黃閣安知尾素車蕭然旋馬第人指相君居

陸賈二首

田橫死士令亡矣陳豨從車安在哉獨有尉陀尚黃屋故應兩
費陸生來

鄧烹未久崩幾烹陸子優游享令名南帝稱臣索金返更推餘
智放陳平

浴日亭一首

歸客飄然一葉身尚能飛屐涉嶙峋危亭下瞰岵夷宅積水上

通河漢津叱馭為臣前有志乘桴從我更無人暮年筆力全衰

退甘與韓蘇作後塵

又追和坡韻一首

亭傍喬木拂雲天亭下高梳泊晚灣白足張騫曾泛水青疑徐
福所求山羊城隔霧愁回首鯨浸收風喜見顏却笑金烏併玉
兔辛勤出沒雪濤間

白鶴故居

天稔中原禍朝分黨部爭當年誰宰相此地著先生故國難歸
去新巢甫落成如何鯨浸外更遣打包行

唐博士祠

博士位尤卑投名入黨碑今觀名世作多在謫官時太史沅湘
筆儀曹永柳詩新祠綿蕞爾未盡復遺基

六如亭

吳兒解記真娘墓杭俗猶存蘇小墳誰與惠州者舊說可無杯
土覆朝雲

再題六如亭

此余既修廢墓立外碑者未解
此意明年比歸賦此解嘲

昔人喜說陸樓姬前輩尤高斷臂妃肯伴主君來過嶺不妨扶
起六如碑

十五里沙

只見如小白浪飛更堪動地黑風吹渺茫直際九州外洶湧常
如八月時河伯豈能窮海若靈胥僅可嚇吳兒惜無散髮騎鯨
友共了南游一段奇

道中讀字若題壁有感用其韻

淮雪江風裂面寒往來萬里一征鞍三千客謾曾彈鋏十九人
誰肯捧盤自古英才多頓挫只今世運尚艱難空餘敗壁龍蛇
字黃鶴高飛不復還

後村居士詩卷第十三

詩

送項使君李約二首

世有凝香樂君侯總未知清菴燈火夕閉閣荔枝時郡小留難
住民愚去始思兩年案頭筆一字不容私
但見兩眉顰何曾一饜珍節如僧更苦家比郡尤貧琴鶴均為
贅尊鱸頗切身蕩山有來鴈莫惜寄聲頻

送王梅州二首

州境與潮鄰徐行止決旬瘴鄉均一氣塩子亦吾民日晏烟嵐
歛兵餘戶口貧定將田里事閉閣細條陳

禍始自三槍菑猶被一方帝將安渤海君肯薄淮陽老手何憂
劉新眉尚費粧漢庭褒却最早晚入為即
癸巳上元即席次楊使君韻二首

初陽收以雨淳祐第三春聊與眾行樂稍興農食新俱蒙青帝
力莫問紫姑神座上遨頭作流傳遍郡人
縱觀始遊日殷憂欲碎心馬嘶淮後惡鵲叫蜀冤淚玉座方停
著椒塗亦脫簪好為諫臣論莫作醉翁吟

辛卯春日

甫報弓旌召俄聞彈射攻匹如飲甘露諸不能受人惡言如飲
甘露者不名為有力
人語見又似斬春風雲夢吞伊輩須彌納箇中故山多芋栗不
佛書

必問祖公

挽林煥章二首

昔在端平際臨朝想若成但聞轅固召不見伏生行霜柏無寒
暑朝華有悴榮由來天所靳上壽與高名

束帛徵諸老溪衣立一儒鄉人偕獵較童子舞風雩屑上羞來
往競上追舉扶自慚衰竭久書墓覺詞燕

送趙阜主簿

罷稅無兼局蕭然古廨寒士稱為善類民說是清官力薄難推
轂身輕易起單竹林逢大阮試為問平安

挽游勉之侍郎二首

不假橫金貴，居然比玉溫。諸公從上雍，一老立東門。伯氏推難弟，先師有嫡孫。耆英凋落盡，舊事向誰論。昔在高陽里，曾登夫子堂。武城愧言偃，畏壘化庚桑。病臂書全闕，驚心鑑忽亡。平生芻一束，道遠不能將。

挽唐伯玉常卿二首

身自無安處，昇州更廣州。逐教子方去，死到了翁休。鳳皇虞廷喜，麟亡魯野愁。憂時兼悼友，白却九分頭。久欲携尊觥，呻吟去未能。甫封陶母墓，俄弔董生陵。言立何曾死，騷招更不應。那須論宿草，身盡淚方冰。

送居厚弟堂稟二首

俱被光華遣，同歸寂寞濱。吾灾因抱藥，子咎在埋輪。記憶煩明主，招徠到遠臣。要須留晚節，他日白先人。伯與親朋別，那堪送子行。天威難俟駕，秋暑勿貪程。若見知名士，為言不慧兄。孤危托君相，耕釣畢殘生。

居厚不果行次韻二首

物色未林下，安排起海濱。居然蒙錦笥，幸未駕蒲輪。非我瑕疵女，云誰毀譽臣。只愁從此去，未易致虞人。祖帳方涓吉，公車已尾行。若非露消息，未免迫期程。水菽姑娛母，茅柴且酌兄。未應天祿閣，便欠一更生。

聞居厚得祠復次韻二首

諸賢談稷下孤士卧漳濱母亦為投杼兒宜勿斷輪無書白遜
客有些帛疊臣一室終容榻奚煩問疾人
稍欣公議白又報噴言行上漫招東馬人方毀李程迎來新觀
主伴取老師兄漢士方雲合行須魯兩生

贈蜀郡士盧石受二首

蜀郡盧夫子沉冥不偶時幽深病梨賦奇恠磔墓詩古有嚴并
李今無曠與夔何當短檠下歷日叩群疑
井絡纏兵慘瞿塘下棹輕命寧一錢直腹載五車行姑覽無諸
跡休聽望帝聲世無韓十八誰識玉川生

送陳霆之官連州

郡接湖南境孤臣若箇邊
茆寮愁問宿峽石善驚船
官小魚迎吏詩工有續編
古人高妙處不道覽山川

挽林承奉

性與琳書合平生寶儉慈
鹿門妻未藥蟾窟子攀枝
君可先賢傳吾慚幼婦碑
衰年窘才思呵凍課哀詩

挽姚漕貴叔

昔建經離亂煩公出拊循
魯宮恢故宇蔡卒即吾人
蒼苒何傷我甘棠尚在民
悲哉元日召當守記名臣

挽開國陳寺丞二首

昨御祥琴後多傳吉語通
虛令占列宿不料奏悲風
華表孫從

祖王舅壻弔翁九原一無憾全璧見先公
伯也不可作叔兮猶典刑公車玉堂薦書室
鶴山銘以上通侯印新營太祝廳衰年親舊少
吟罷涕先零

挽王居之寺丞二首

元老登庸晚同年名用初惜哉武公老甚矣
董生迂汾曲廬旋近平津閣寢寐空令雙鬢白
猶待兩輪朱

憶昔陪真率華居甫落成坐賓來情憤侍女出
彈箏無復吳趨曲空餘楚些聲九泉見忠簡應問老門生

挽方穉貢士

秋賦曾賓送春卿偶脫遺離群嗟老境同隊記
兒時終制從家

禮高懷見墓碑亦如陶處士自作誄兼詩

題永嘉黃仲炎文卷二首

書坊黃冊誘兒童朝取封侯夕拜公賈董奇材
無地立歐蘇精鑒與人同安知李廌麾門外不覺
劉幾入彀中早晚君王求極諫莫教豪傑泣途窮

龍泉筆絕文章熄此作居然可貴珍激處翻嫌董
生緩新來却笑退之陳假令覆瓿無知者尚可藏
山待後人外物區區均糞土祝君愛取不貲身

和吳教授投贈二首

三徑荒涼手自開旋移花竹剪蒿萊休上豈不緣
迂情屑上何

為費往來明主祇今蒐陞典故人大半容翹材繁臣方卧漳濱
疾錯夢釣天聽樂迴
哀七登瀛更上坡且容老子釣煙波鳳麟自合呈祥瑞鳧鴈何
曾繫少多時有耦耕人共語亦無問字客相過倒囊欲答驪珠
贈李比家徒回壁何

和張簡簿尉韻

舊案依稀在柏臺寄聲杭本莫翻開騎驢導從兩點挾羅雀門
庭幾客來務觀可堪供史草補之不會作官梅男兒盍建橫行
策免使君王歎乏材

用王去非侍郎韻二首送林元質提幹秩滿造朝併呈侍

即

戎滿歸來薇亦剛策名不覺十年疆素無沂國三場志曾有两
山一辨香晁董未能免科舉孔顏方可語行藏要為天下奇男
子寧論臣七國與鄉
叔季滔七未見剛每聞健論意差強向來曾劾燈籠錦老去聊
凝畫戟香世運橫流安所止聖朝未合豈容蔽几回欲上鈴齋
謁衰病無因可去鄉

送李用之察院赴潮州二首

烏府名臣暫擁麾霜稜聊復愛春熙行人猶謂驄當避聖世初
無鱣可移粵俗相携看上日韓祠配食付他時極知不作周南

滯禁闈須君補闕遺

昔在香島驚笑時
誓言不敢計從違
固知國有三空患
又欲民無再擁識
翁裹為生尤瘠薄
牙籌所積恐纖微
公卿文學方予
肩應待囊封
決是非

賀王實之得第二子

臞翁活計未全迂
老驥新生汗血駒
攀桂肯輸郎罷否
分梨還讓阿兄無
應陳俎豆為嬉戲
想見詩書被抹塗
報與厨人多釀

酒王家例合有三珠

塗抹詩書如老鴉
玉川子添丁詩

送方蒙仲赴省

童年背距已專場
何況而今益老蒼
天網恢然畢鳶鵠
朝陽鳴

矣葦烟塘士誰與賀
爭同進眾亦推弘
詣太常可惜祠官無氣

力不能播笏誦阿房

書事二首

潘柄考亭門人陳均福公
族子年皆七十餘而客死

謙之緋髮迎歸福
平甫仄釘送返莆
空累兩家營後事
僅留四壁遺諸孤
學徒誰是單傳者
史藁曾經一覽無
貧富皆當終牖
下招魂何處有神巫

二士平生極好修
簞瓢之外尚何求
暮年更傍誰門戶
故國寧無某水丘
華簣殊非愛曾子
短衾自可覆黔婁
小車處士羞安穩
十二行窩取次遊

送葉士巖二首

曾約還轅訪爵羅幾迴掃榻佇經過待先生敬雖如此與老人
期柰後何走馬看花消許急殺雞為黍誤儂多吳中故舊還相
問一臂偏枯兩髯皤
向來恭請漏諸方恍惚如癡亦似狂雪與膝平猶未退斤從鼻
過了無傷拈花弟子知誰悟撼樹群兒不自量極欲為君露消
息天寒日短話頭長

甲辰春日二首

買牛搜粟向蛮烟衰病安知壁偶全使者召歸曾四輩臣之得
罪又三年柳劉漏語誰云尔絳灌憐才定不然縱使有泉堪洗
耳先生此媿若為前

學問過時已悍堅文章垂老未精專薰琴何患無麈載秋扇明
知有棄捐舊讀溫尋渾不記新吟鍛鍊久方圓此生幸不當詞
翰免被人嘲上水船

題小室二首

已向溪林卓小庵是中僅可著禪龕士師何止三無愠中散居
然七不堪一去重華那復得方當盛漢勿多談近來弟子俱行
脚誰伴小僧面壁叅

阡陌東西山北南平生常帶散人街何曾雲夢芥八九一任担
公茅四三閭上大夫投欲死甕間吏部寢方酣可憐子駿無家
法下見先人面有慚

送表弟方時父

棄置空村飽世情，高軒乃肯過柴荆。
甥殷浩貧親戚，李益盧綸外弟兄。
兩髯蕭疎驚老大，一燈明滅話平生。
刺桐花下逢子季，多致詩人未害清。

葉桂發助教從李用之祕監于潮陽李持節使廣部葉辭

歸福唐小詩話別

賀監空多惜別情，木綿花得似三荆。
打包便是參禪客，垂索何

須使鬼兄小郭今寧無趙子四門古亦有歐生

歐陽唐為南轅四門助教

不涉貧泉境，歸去詩腸徹底清。

寄題建陽馬氏晚香堂

自鉏空曠汲潺湲，占斷清溪第幾灣。
傍九日開後歲晏，居千花

殿覺天慳。食英飲露平生事，遺臭流芳一念間。
菊不負君，君負

菊年，秋不在家山。

贈施道州二首

施先生學有源流，家自長安徙益州。
疇昔建牙當一面，祇今失國託諸侯。
身僑嶽麓無生計，日斲岷峨起暮愁。
聞道藻庭須黼黻，蜀珍那得此淹留。

胡塵突過劍門關，西顧於今尚未寬。
早晚相如通梵道，倉皇子

美問長安拮据，自笑營巢拙木鑿。
明知合轍難縱，有望鄉樓百

丈淡烟衰草，莫徒闌。

送楊彥極提刑二首

閩蜀相望萬里遙，敢圖斗壘屈魁杓。
南州處士蒙殊禮，魏府牙兵不更驕。
邦伯如今安得結，國人他日會思僑。
辦香垂去猶精禱，果有甘霖溉旱苗。
繡斧翩翩向福唐，百城歛衽避風霜。
夢迴桑下初何恋，手植棠陰故未忘。
判筆有神皆可錄，抄書無數即行裝。
從今病叟牢局戶，莫望嚴公訪草堂。

題陳霆詩卷

讀他人作多遺恨，若似連城壁少瑕。
楮葉國工如許刻，莠蒲靈物偶然花。
金魚摩詰揚同宿，後有荆公選百家。
不惜矮窓殘燭

下與將朱筆擷菁華

夢方字若二首

仙鬼微茫果是非，不如遼鶴有歸期。
鑄成范蠡何嗟及，繡作平原未必知。
歌扇舞裙風雨散，野田荒草古今悲。
可憐一覺寒臆夢，猶記聯鞍出塞時。

寤寐中原獨着鞭，往來絕域幾餐糗。
封侯反出李蔡下，成佛却居靈運先。
八百里烹饗軍，萬九千縑輦作碑錢。
祇今誰是田橫客，回首荒垓一慨然。

哭孫季蕃二首

歲晚湖山寄幅巾，浩然不見兩眉顰。
看花李益無同伴，顧曲周

即有後身厚祿殷勤營葬地唐人題李白故 隱君歡喜得吟鄰云誰移來陽塚

來此作看來造物於君厚判斷風光七十春

每歲鶯花要主盟一生風月最關情相君未識陳三而兒女都

知柳七名自有菊泉供祭享不消麥飯作清明老身獨殿諸人

後吟罷無端雪涕橫

懷曾景建二首

造物生才自昔難此君天矯類龍鳶聖賢本柄藏椰子佛祖機

鋒寓棘端疇昔諸人多北面暮年萬里看南冠傷心海內交游

盡篋有遺書不忍看

曾有春陵逐客篇流傳哀動紫陽仙安知太白長流處亦有重

華野葵邊砑板一如坡貶日蓋棺不見檜甍年誰云老眼枯無

涕聞說臨川即法然蔡季通貶道州君餞之云四海朱夫子徵

隣狐憤無人問獨醒瑤琴空鎖匣絃斷不堪聽海翁喜

之手書其詩君亦貶死道州亦與矣

內翰洪公舜俞哀詩二首

憶昔端平典冊新三麻九制筆如神內庭喚作真學士晚輩推

為老舍人垂死遺言尤苦口平生諫疏最嬰鱗建邺不作於潛

死誰為君王說厚倫

回首揚州一夢餘故交已直玉堂廬寒暄未省通君實窮薄空

頌誦予虛甚媿夫人於甫厚孰云夫子不回如舉余自代殘年

無復陪精論開闔平生幾幅書

送李潛用之二首

斜飛慶曆皇華遠，提出熙寧使指新。但記歐公更此職，不知趙
濟是何人。為常平刻刻章編及孤寒士，奮筆先誅聚斂臣。自歎
暮年衰颯甚，羨君老手獨埋輪。
漢庭鹽鉄議文收，有詔姑惟舊法從。聞道嶺南歌聖主，一如河
北感仁宗。向舒自足堪王佐，桑孔安知富大農。他日公歸奉清
問，可無鯁論贊烹封。

答謝法曹

二詩簡淡掃穠華，作者幾無以復加。歷十五城方定價，桃三千
歲一開花。選騷意度早唐體，晉宋文章讓謝家。莫道老夫今老

矣，平章此事不應差。

次王實之家塾韻

新敞朱甍映碧岑，高門誰識慶源深。時郊已解傳家學，石禮家

堪直禁林。介甫七葉文章真，有種二郎官職本無心。庭前玉樹

成陰未着手，栽培時自今。王筠云：未有七葉之中名德重光，位相繼人，有集如吾門者。

喜湯伯紀登第

老覺人間無一忻，恠來乾鶴耳邊聞。休嗔窮鬼椰榆我，絕喜春
官摸索君疇昔。先生有高第，即今後死與斯文。不應也躍看花
馬，忘却江天樹與雲。

三月二十一日泛舟十絕

少游款段何從借，伯厚雞栖未易求。
看取後村翁簡徑，百錢聊稅一漁舟。
退之歲晚南溪上，把釣聯詩得幾迴。
便與烏衣群從約，及身強健更頻來。

向來平勃頗相知，使粵歸來歲月移。
只以一篙為導從，亦無劍馬可相隨。

橋低水漲過船難，旋拆船蓬復旋安。
未免屈蟠蓬底坐，誰教君受切雲冠。

弟兄玉映更珠聯，堂減元暉與惠連。
欲笑漢人無具眼，羨他李郭作神仙。

眉洲嶼隔雪濤中，聞此山川彷彿同。
但是至人游息地，邦人處處作離宮。

雖沉璧馬計安施，倏忽桑田變渺瀰。
說與神通君看取，潮頭不到良小祠。

溪北溪南一兩通，小村佳處便掀蓬。
老身不怕無安處，看取漁翁保社中。

稚子呼牛婦饁耕，早秧水足麥風清。
老農喜極還垂涕，白首安知再太平。

本朝耆舊數吾宗，老監軒昂洛社中。
後五百年人定說，過江復有戴花翁。

三月二十五日飲方校書園十絕

終入中年會面難
安知白首此團來
不妨時駕柴車出
只作初騎竹馬看

伯兄乃漢司徒掾
季子亦唐行祕書
只願荆花常爛熳
莫令瓜蔓稍稀疎

自古根深枝葉繁
百年喬木到今存
只留諫草傳家世
莫着輶車辱戶門

褚彥回以輶車給從弟炤炤大怒曰着此辱門戶

西舍鳴笳索賦詩
東家搜石請書碑
眼中除却壺山外
多是新知少舊知

呼來不許望清光
麾去奚堪作省郎
莫是後身劉快活
揀花重

入少年場

石室千年不復開
庭花無語委蒼苔
席間舊客惟枚叟
白髮重將履齒來

空留蘚石仆斜陽
不見奇章與贊皇
何必雍門彈一曲
蟬聲極意說淒涼

百年如電復如風
昨日孩提今日翁
乍可生前稱醉漢
也勝死後謚愚公

早退分明勝一籌
年行六十復何求
東門瓜與南山豆
誰道君恩薄故侯

後有良工識苦心
今無善聽孰知音
老來字匕趨平易
免被兒

童議刻汲

題江貫道山水十絕

世間平遠景萬幅在洪家晚至番君國方知不是夸

野處有樓名萬幅平

遠

一棹微茫裏孤亭紫翠間恍疑涉彭蠡又似訪廬山

江險不容極禹功胡可忘向來小龍子衮冕食千羊

夾立朝群玉濃粒列萬筭中州不敢損拋在瘴雲西

筇山千萬疊不得見天全帆出扶胥口無山只有天

雪冑禹碑石雲埋沈草堂早知抱遺恨悔不挾乾糧

半夜黃天蕩樓船雪浪中當年草檄客今日負樵翁

太武求波處之初着鑠邊淮風晨裂面淮浪夜驚船

展卷嗟丘也東西南北人昔還行脚債今作卧遊身

一匹好東絹天寒家未溫儘教兒折繡閑管婦無禪

後村居士詩卷第十四

詩雜詠一百首

袁弘

宗周危可憫袁叔死非難臣血三年碧臣心一寸丹

柳下惠

不怨窮并佚能安小與平何須立奇節展季即吾師

樂毅

忿懣及韓駟荒唐入郢鞭樂生端可拜寧死不謀燕

屈原

茅姓且為虜累臣安所逃不能抱祭器聊漫著離騷

賈誼

寄聲謝絳灌勿毀洛陽人歲晚治安策諄七禮大臣

虞翻

孝廉已稱帝賓佐盡封侯不道投荒客交州白了頭

顏魯公

忠質內持衡胡雛外握兵一朝臨白刃乞米老儒生

李白

幸自忤將軍那堪觸太真世無郭中令誰贖謫仙人

陸贄

飲食晚由賓門庭誰敢闕禁中無急詔不記奉天時

劉蕡

貂璫竊大柄常布獻孤忠謗出惟風漢無名在選中

右十臣

尹伯奇

不愁兒足凍第恐母心傷所以子范子惟彈一履霜

宜臼

莫親於父子天性有時移竟以婦為厲空令傳作詩

申生

君父如天地雖逃安所之可憐共世子死不恨驪姬

曾子

親勿何以報子職貴才勸梨本非難熟瓜殊未易耘

伍尚

伍奢呼二子一至一奔為逃父吾無取讐君亦未然

扶蘇

詔自沙丘至如何便釋兵君王令賜死公子不求生

東海王疆

聖經非拒父古誼有傳賢據以兵求勝疆能智自全

姜詩

晨興風色惡日晏汲歸遲寧與閨中訣莫令堂上饑

王祥

禮律通稱母寧分繼與親乃知復霜子絕似卧冰人

寧王

智出建成上賢於子糾多至今稱讓帝當日喚寧哥

右十子

伯夷

木主來西土檀車濟孟津只應千萬世瞻仰首陽人

嬰臼

賢矣兩家臣存孤極苦辛後來有曹馬亦是受遺人

王蠋

稷下空多士誰為國重輕列城七十二死者一書生

魯仲連

六國鈞南面甘為北面臣向微生一叱幾帝虎狼秦

豫子

紛上荆聶輩猶有利而為智氏已無後先生欲報誰

龔勝

已設床臨牖何須綬着身遂令移鼎賦知愧飾中人

陶淵明

卜築堪容膝休官免折腰寧書處士卒不踐寄奴朝

甄濟

唐德雖中否猶能愧畔臣盡驅汙賊者往拜詐暗人

何蕃

城去曾聯疏宣仗亦舉幡向令無太學安得有何蕃

司空圖

節將飛颺去牙郎賣弄餘唐臣不負國惟有一尚書

右十節

許由

一聞堯禪後洗耳急歸休鄰叟嫌泉濁牽牛飲下流

沮溺

皇仁問津者貌上耦耕人不識吾夫子寧非古逸民

荷蓀丈人

客云自孔氏不覺喜逢迎止宿見二子孰云無世情

接輿

上古聞巢父衰周有楚狂田來豪傑士不必待文王

四皓

去避坑焚禍來成羽翼功留侯不自語驅使紫芝翁

兩王

尚恐公污我何妨史夫名汲衣與短製同名不同行

嚴光

幸自沉冥去無端物色求簑衣亦堪釣何必被羊裘

梁鴻

肅宗漢明主猶惡五噫詩一旦拂衣去世人那得知

龐公

採藥棲遲穩燃箕篡奪危景升不愛子却念德公兒

汾亭釣者

太公輔西伯嚴子客東京獨有汾亭者無人得姓名

石十隱

荀卿

歷已非諸子駁已及聖丘乃知焚籍相亦自有源流

穆生

決去先生勇懷安二子慙向令猶在坐楚市赭衣三

伏生

偶脫驪山厄龍鍾九十餘誰知漢掌故傳得不全書

轅固

面折公孫子堂上負直聲安知上前議那復有黃生

申公

縮減不自保強教老先王魯邸今朝罷蒲輪昨日迎

兒寬

茂陵輕撲學寬對乃忻然口謾談三代書總說一篇

劉向

竊弓俱奮臂窺鼎迭磨牙同姓餘中壘昌言抑外家

周堪

舊德臣學淺晚召主恩深莫鑿蕭張否重来遂病瘖

鄭司農

新筵傳後學古訓發先儒不擬狂年少燈前罵老奴

王通

當時三晉地已有聖人生不曉河汾氏為隋策太平

右十儒

孟之反

葉甲爭先去收兵殿後回但云馬不進應自聖門來

曹沫

數戰數敗北寧非將畧疎收功一七首安用讀兵書

蘇頌

浪說三遺矢猶堪一據鞍君王不自試耳目信人難

李牧

說客為秦謀君王信郭開向今名將在兵得到叢臺

白起

太息臣無罪胡為伏劍銛悲哉四十萬寧不訴蒼天

蒙恬

絕漢功雖大長城怨亦深但知傷地脈不悟失人心

魏尚

塞外傳烽急雲中調守難誰為帝言者白髮老郎官

李廣

飛將無時命庸奴有戰勲誰憐老衛尉身屬大將軍

馬援

土室不堪處其如瘴毒何莫年款段馬有愧少游多

劉琨

除却祖生外餘皆在下風老奴口耳小安得肖司空

右十勇

廣成子

不能戰涿鹿即復隱崆峒揮手謝軒帝毋煩順下風

彭祖

活得如彭老憂愁八百春
頻為哭殤叟屢作悼亡人
老子

了不見矜色睥然真德容
先生新沐髮弟子歎猶龍
列子

肉身無羽翼那有許神通
會得冷然意人心可御風
徐甲

白骨因誰活青牛與尔俱
未酬再生德更索積年逋
王子晉

宿有驂鳶約飄然逝碧霄
不為君主卷却伴女吹簫

安期生

子羽徒扛鼎其如欠轉圜
不能決王霸聊去作神仙

劉安

思棄國中去疑為方外遊
早知守都廁何似莫仙休

梅福

忽去為吳卒溪迤安漢公
翻身天地外脫屣市朝中

孫思邈

藥品用昆蟲遂虧全活功
至今仙未得只在蜀山中

右十仙

瞿曇

世傳深明帝始夢見金身曷不觀列子西方有聖人
維摩

面色削爪黃眉亮覆雪長安知四天下只在一禪床
善財

放勛訪吾叔魯叟問於明所以此童子諸方亦遍參
達摩

直以心為佛西來說最高始知周孔外別自有英豪
盧能

明鏡偷神秀菩提犯卧輪更將舊衣鉢占斷不傳人
馬祖

若非大氣魄只是小機鋒老子一聲喝學人三日聾

德山

此老手中棒輕輕也有癩佛來與三十某甲莫須餐

支道

若以色見我幾於貌失人林公少鬚髮澄觀欠冠巾

澄公

值亂行何適隨緣住亦安能將石虎輩只作海鷗看

誌公

寺甲於江左身迎入禁中如何淨居殿餓殺老蕭公

右十釋

衛姜

俱着錦衣裳，憑隨辨綠黃。可憐君老矣，賢嬖不賢姜。

阿嬌

甫聞阿嬌進，又報衛娘留。莫倚金為屋，重口只鎖愁。

烏孫公主

玉座吞聲別，檀車觸目悲。如何漢公主，去作虜闕氏。

平后

歆已作佐命，雄甘為大夫。獨餘黃室主，不肯面新都。

辟司徒妻

倉皇問君父，忠孝兩關心。絕勝杞良婦，惟知哭藁砧。

箕缺妻

昔有二人貧，耕田與負薪。朱妻志求去，卻婦敬如賓。

黔婁妻

夫節獨高古，婦賢傳至今。既為加美謚，復不用邪衾。

齊人妻

不敢怨夫子，徒悲誤妾身。安知同穴者，乃是乞墻人。

孺仲妻

彼雖飾容服，吾穉業耕鋤。不以貧慙富，賢哉婦傲夫。

廬江小吏妻

尊璋有嚴命，妾不獲從夫。去日猶迴首，諄口別小姑。

右十婦

召南媵

貴賤有定分，勤勞無怨心。若令逢呂武，亦化作姜任。

李夫人

恍惚疑如在，纏綿愛未休。明知已仙去，猶欲出神求。

馮昭儀

歎不能加害，傾身障赭紅。安知丁與傅，他日驚於熊。

班婕妤

妾命薄如紙，君恩冷似冰。生當事長信，死願奉延陵。

蘇秦鄰妾

生命亦危矣，媼謀真拙哉。煩君賜妾杖，嗔妾覆君杯。

樊通德

救東姑，隨世風流亦動人。等閑擁髻語千載，尚如新。

銅雀妓

誰謂曹瞞智，回頭玉座空。向來臺上妓，盡入洛陽宮。

房老

殘香猶在筍，舊曲尚書裙。不及新歌舞，樽前奉主君。

綠珠

向來金谷友，至此散如雲。却是娉婷者，樓前不負君。

柳家婢

忽見牙郎態吁嗟悔失身不虞小婢子曾是柳家人

右十妾

後村居士詩卷第十四

後村居士詩卷第十五

詩 雜詠一百首

毛遂

西國爭衡際諸君袖手觀群然着珠履誰肯捧銅盤

荆軻

把袖謀幾售開圖計忽窮空遺千古恨不中祖龍胸

項羽

項無英霸氣尚有婦兒仁聞漢購吾首特將贈故人

陳勝

辛苦傭耕久饑寒適成餘竟令秦天鹿首為漢豉魚

博浪壯士

殿上俄流血沙中竟脫身乃知燕刺客有愧漢謀臣

朱家

貴不見渠面危曾活爾身奈何施一飯便責賢桑人

田橫

南面稱孤貴西京謁帝早誰能如李密更望一台司

劇孟

向令從七國是自列陪臣太尉空稱賞非知劇孟人

孫策

魚服俄離網龍泉忽缺鎧却將江左業分付紫髯郎

周戴

戴昔叔名士周嘗慕里人少年一蕩子歲晚兩忠臣

右十豪

鬼谷子

遺書今羽化傳者匪真書此老縱橫祖儀秦得緒餘

二衍

雖以賓師待幾於妾婦然不羞君割地謾對客談天

韓非

韓子流於慘明書妙造微百年同一傳誰是復誰非

莊子

夸天帝傳由形容詭侮丘僅饒明禦寇共載一虛舟

侯嬴

白髮夷門老能興晉鄙師魏王備他盜曾不備如姬

范雎

不待精神契惟憑類舌求莫年薦燕客差勝似穰侯

蘇秦

常產常心論平生不謂然晚知蘇季子佩印為無田

田光

北面老先生人間事飽更不聞求樂氏但見薦荆卿

茅蕉

焦子如天膽秦王似屋頂如何刀機上活得解衣人

蒯通

鄒生方橫死蒯徹亦佯狂設不逢劉季同趨一鼎湯

右十辨

墨翟

墨子城無恙公輸械有窮要湏能壁立未可恃梯攻

樗里子

石馬殘陵下金鳧出藏中誰云樗里智卜墓近秦宮

陳平

巧言愚冒損厚賂餌閼氏祕計言之醜剛云世莫知

鼂錯

危鼎知不免削楚慮空長東市哀朝服西京弭智囊

楊修

老賦有肝鬲多為德祖窺誰令預籌事更與共觀碑

倉舒

全活噫鞍吏平章稱象船五字真有幸舒也竟無年

荀彧

殺身明逆順濡足救危亡未必荀文若甘為操子房

劉備

華容蘆荻裏一炬可無遺歎息劉玄德平生見事遲

杜預

征南滿腹智實似小兒癡澡水有涸日沉碑無出時

李衛公

肘後臣非斬胷中彼未純乃知兵妙處不可妄傳人

右十智

韓起

帶從內府頒枕出古陵間却笑韓宣子臣亡愛一環

富平侯

童作夫人紡藏錢百萬多不知三篋內還記舊書麼

董卓

虎視無強對，鷓鴣張有篡心。可憐臍裏燭，不照塢中金。

王戎

惜李常鑽核，商財自執籌。如何嵇阮輩，放入竹林遊。

石崇

金谷觴豪友，珠樓擁艷姬。南郊未處悖，東市悔何追。

祖珽

左氏譏懷璧，楊公却袖金。安知機巧者，藏得巨羅深。

張說

玉檢匪頒隆，珠簾餽遺通。更揮諛墓筆，褒讚死姚崇。

元載

三千兩鍾乳，八百斛胡椒。不悟口中鞮，猶貪掌上腰。

杜兼

沒有財遺臭，生無善可傳。向來堆白屋，盡是窟郎錢。

桑維翰

五季驕諸鎮，終朝易十人。使無孔方癖，猶足晉名臣。

石十貧

尹氏

聚斂并番橘，今猶唾姓名。國人汲可畏，尹氏更須平。

太宰黠

西子宴姑蘇，靈胥賜屬鏤。如何居上宰，忠越不忠吳。

呂不常

豫建無常慮旁窺有馭心絕羸由呂相繼馬乃牛金

李斯

焚餘寧有籍坑後更無儒不解愚劉項翻令二世愚

公孫弘

極力排舒黯黜翮去不迴惟應刀筆吏時得到翹材

孔光

佞幸傳呼至師臣偃樓迎暮年靈壽杖幸自可扶行

李林甫

二相去留際中原治亂分異時馬上淚遙灑曲江坡

盧杞

借偽蟠宮闕忠賢血賊庭相君無喜愠面色只藍青

崔昌遐

本欲除閹腐安知召寇戎縑即不為相朱賊得稱雄

馮道

坐閱數朝主竟為何代人漢官敬歷遍更作虜師臣

右十愴

巷伯

哆口何其甚憂傷只自知雖經夫子筆不廢奇人詩

梁丘據

國漸移田氏人誰悟景公牛山兩行淚據與寡人同
臧氏

屢與賢分國賢踈屢在亭未嘗無樂克其柰有臧倉
景監

但見顯朝久誰知媚竈勤紛由屢進非特一商君
趙高

歸自沙丘後因專定策功國由中府令帝在望夷宮
曹騰

費亭侯在日亂已有萌芽養得螟蛉種猶能覆漢家
張讓

舉國排闥戶還鄉少弔賓太丘躬一束全活幾多人
高力士

五十年間事渾如曉夢餘三郎南內裏何況老家奴
仇士良

國老辭機密閣兒叩緒餘殷勤傳一訣莫遣上觀書
張承業

勅使為唐患忠唐獨有君晚知王自取誤殺老監軍
右十屢

神農

盡識後無毒明知堇有災安知嘗試者百死百生來

素女

厥初賦形貌固已具陰陽素問無人讀流為采戰方

扁鵲

疾始於榮衛衰或不豫謀貪生諱聞死天下幾桓侯

醫和

壽有可延理醫無不死方扁鵲曾憂骨髓和亦畏膏肓

李醢

自昔名高世皆由藝入神未應除扁鵲世上便無人

夏無且

秦法嚴堂陞秦兵遶殿廬如何危急際只有一無且

華佗

古來神異少天下妄庸多文帝能全意曹瞞竟殺佗

壺公

跳入無人見誰知有路通長房非點者草屣出壺中

陶隱居

藥方差能腊腹學誤至漸襟幸有經文在休於注脚尋

韓伯休

女子乃知我明朝愛姓名可憐逃不密猶追詔書行

右十鑿

巫咸

列書說知死楚些說招魂尚莫窺壺子安能逐屈原

史蘇

繇語幾於識流傳信有諸王何謾辛苦易自是占書

唐尹

魚腹繫臣訣蛾眉衆女化靈均空發問詹尹若為訓

季主

宋賈兩名士茫然立下風信知古賢聖多隱卜鑿中

洛下閎

巧歷雖千歲先知一日差未能下算子亦道是占家

嚴君平

賣卜本逃名下簾有市聲如何穹壤內知世有君平

京房

元帝何曾諭京生自此踈臣上推卦氣欲撼石中書

管輅

平叔知幾語疑於易學通歲朝不相見隔日問三公

李淳風

逆知生女主預說覆唐宗誤殺五娘子安知在後宮

袁天綱

似有人推背相傳果是非請君看祕記若箇泄天機

右十卜

項索

義理無窮盡雖立或未知老聃與項索聖堂有常師

甘羅

函谷非無士登庸乳臭兒空令園綺輩頭白不逢時

外黃兒

子羽力扛鼎諸侯屈膝臣能從小兒語盡活一城人

終童

武帝有荒志終童無遠謀長纓自繫耳莫繫越王頭

童烏

擊蒙鑿帝竅躡等州玄經混沌死七日童烏夭九齡

荀陳

或作操謀主群為王上公暮年翻有愧膝上與車中

孔融子

二穉吁何罪冤猶在史書光瞞渾忘却只記哭倉舒

通子

但愛梨并栗不傳琴與書乃翁莫惆悵他日舉籃輿

阿宜

牧有諱亡誨宜無赫亡聲假令如叔父一世得狂名

阿買

座上交游廣城南講讀餘如何萬金產只解八分書

漆室女

舉國聽桓子呼天誅孔丘可憐倚楹女徒為魯君憂

東家女

神女登徒子微詞未必然感襄通一夢窺玉費三年

散花女

狡獪疑為幻姝妍渡似魔殷勤把花去莫怪病維摩

緹紫

天子覽書悲刑不復施不惟嘉烈女亦自治神鑿

曹娥

穿壤有時敵娥名萬古垂直從彤管筆便到色絲碑

阿承女

古人重言德初不論傾城切莫傷容鬢猶堪嫁孔明

戴良女

竹筥弄練帔何妨托妾身若逢夫婿問向道乃翁貧

木蘭

出塞男兒勇還鄉女子身尚能吞比 斷不慕西鄰

投梭女

琴挑何曾動梭投未免慚女郎循古禮元不解清談

靈照

首如飛蓬亂家賣漉籬供老漢驚吾女禪機捷乃翁

琴瑟下石十女如木出幽谷所賦不盡亦不極亦不

盡亦不盡亦不盡亦不盡亦不盡亦不盡亦不盡亦不盡

亦不盡亦不盡亦不盡亦不盡亦不盡亦不盡亦不盡亦不盡

亦不盡亦不盡亦不盡亦不盡亦不盡亦不盡亦不盡亦不盡

亦不盡亦不盡亦不盡亦不盡亦不盡亦不盡亦不盡亦不盡

亦不盡亦不盡亦不盡亦不盡亦不盡亦不盡亦不盡亦不盡

亦不盡亦不盡亦不盡亦不盡亦不盡亦不盡亦不盡亦不盡

亦不盡亦不盡亦不盡亦不盡亦不盡亦不盡亦不盡亦不盡

亦不盡亦不盡亦不盡亦不盡亦不盡亦不盡亦不盡亦不盡

後村居士詩卷第十五



